


青浦縣志

水利中水利下
田賦上

卷
七五六



庫文閣內	
元	九
二	〇
兩	一
八	九
四	二
架	冊
號	類

內閣文庫	
番號	漢 9092
冊數	14 (3)
函號	292 35



青浦縣志 卷五

水利 中

條議

淺草文庫

宋先裕中單鏑論吳中水利畧自慶歷二年以松江風濤漕運多敗官舟遂築松江

長堤介于江湖之間橫絕江流五六十里震澤受數郡之

承方遇以長堤雖有橋梁而流勢不速自江至海諸港復

多泥沙張塞菱蘆叢生是以三春霖雨則蘇湖常秀皆憂

江堤為木橋千所隨橋開地遷沙村之民運其漲泥鑿松

安亭二江使湖水由華亭青龍入海則三州水患必大衰

宣和元年衛涇與提舉趙霖言水利書澱山一湖廣袤四

十年來湖圍為田大半豪右之家旱則獨據上流沿湖之

田無所灌溉水則無所通泄沿湖被淹民田無慮數于頃

青浦縣志

卷五

水利

反為不耕之地淳熙間開掘山門溜五千餘畝八年間小
 有水旱果不為災今春復有頑民毀撤禁約石碑公然圍
 築浙西多仰陂湖之利非他處比前後圍裹陂湖禁戢甚
 嚴具載令甲某昨陛辭曾詳論此事檢尋得當錄呈也
 黃震代答催泄水書 吳地諸水止藉吳淞一江入海水去
 之水皆趨吳淞以入海塘者防不借又在塘浦浦者導諸處
 以入於江塘浦元計一百三十二條浦之濶率二三十丈
 塘之高率二丈大要使浦高於江江高於海水駕行高處
 而吳中可以無水災今蕩無隄障江勢散漫與江之入海
 處適平一雨即成大浸矣古人合江浙數郡之規模而成
 之慮及萬世後人求一已田宅之利便而壞之見止一時
 壞既久則復之甚難于今救急之策惟有告諭田主多發
 夫工就陞岸漸露處次第修築各于水中自為隄障即車
 水出隄障之
 外而耕種之

元大德間都水庸田使麻合馬嘉集議吳淞江漚塞合拯

治方畧 參詳浙西田土多藉太湖之水灌溉所利甚大若
 河港閉塞不能通流湖水稍遇大雨便致泛溢滄

沒田禾為害不輕其吳淞江元受太湖澱山湖諸處湖柳
 上源急流衝散潮沙自古可敵千浦浙西之水來既有源
 去亦有委是以不成水患近年以來因上源吳淞江一帶
 橋餽塘岸樁釘壩塞流水艱澁又因沿江水面并左右澱
 山湖柳等處權豪種植蘆葦圍裹為田并邊近江湖河港
 隘口沙灘滋生芟蘆阻遏上源太湖江水勢以致湖水無
 不能全復古道夫水性潤下是故潮水就其地所順下而
 行今太湖之水不流於洪而北流入於至和等塘由太倉
 出劉家等港注入大海并澱山之水流入於東南流於大
 拓澤塘東西橫入於新涇并上海浦注江達海今張桂
 榮何珍朱文祥所言吳淞江漸成痼疾頗難救療即今江
 內却有水通流尤當拯治匱積江邊之水并每日二潮不
 致散漫止于江道通流欲得日潮通利與平江路總管李
 通議并崑山州官常從仕嘉定州達魯花赤燕帖木兒松
 江府上海縣尹知水利人張榮朱文祥何珍徐鑄邊江
 久居任千戶等一講議理合其地宜順其水性分
 派泄出江達海庶消湖泛溢之患擬將上源吳淞江一
 帶石塘橋樑水洞一百三十餘處每處展濶作一丈使太
 湖水勢泄流快便將太湖東南澱山湖迤東堙塞河道東
 水利

西橫柳等疏浚深澗以泄澱山湖長柳等水及將平江路
 崑山州嘉定州應有壅塞河道亦行開挑分泄太湖水勢
 添注劉家港泄於大海又將各處起除禁約不得似前違
 田魚籩芟蘆葑稗阻水去處盡行起嘉定州松江府上海
 犯阻過水利仍令拘該吳淞江地面嘉定州松江府上海
 縣等處將治江通徹海潮河港勸諭近民于港口築壘土
 壩安置透水木槽名曰水竇潮來閉竇阻過渾
 沙潮退起竇泄放湖水斯江道漸有通利之望
 都水庸田使司行都水監集江湖水利太湖按吳郡志即
 周圍三萬六千頃吳錄云周圍五百里吳志又云震澤受
 吳中數郡之水西南湖州諸谿西北宣州諸谿並下太湖
 蓋諸山峙於太湖之西地形高阜南北東三處江海之岸
 亦高水積其中常若盤盂之盈滿非藉江湖深利何以通
 洩設有雨潦則泛濫四溢環湖低田其能免淪沒乎范文
 正公謂太湖天開澤國眾流所聚而江南之涯地勢皆高
 若欲導泄積水在平時時點檢太湖東岸北岸通江諸河
 道水洞不致閉塞可也蓋環湖皆蘇湖常秀之良田病于
 低窪利在泄潦兼沿江傍海諸高田亦仗湖流奔注衝散
 湖沙使深利乃可引潮澆灌由此言之凡太湖出水口子

不可畧塞也諸小湖在太湖迤東及北者有昆湖承湖陽
 城湖南湖沙湖陳湖三山湖蠡湖薛澱湖并柳壤淹蕩皆
 能接泄太湖水注江達海數內澱山湖關係吳淞江注泄
 至為切要論其古跡周圍二百里此湖之水自大盈趙屯
 二浦以瀉吳淞江既近且便較之諸湖惟澱山湖之東岸
 北岸與渾潮相接最近若上源所注不急則潮沙由此以
 注湖內遂成淤澱淤澱者水中泥也蓋澱即淤塞之謂也
 湖以澱名豈非始於是乎富豪之家由於澱而圍成田地
 其來久矣由是湖之瀦水益狹又與二浦漸遠而所泄不
 能快便若非就湖內圍田上多開河道及時時修浚恐不
 并浚近浦諸溝洫接脉通泄衝滌渾潮則此湖淤澱恐不
 止於是也吳江長堤又名挽路石塘按宜與前輩單諤云
 昔慶歷二年因風濤多敗漕舟遂接續築為長隄橫絕五
 六十里雖有橋梁而流勢不快江海浦港復多沙漲又按
 東坡蘇公云松江沿數十里積石壅土築為挽路建長橋
 植千柱於水中水漲之時橋上水嘗高尺餘江水不快則
 海之泥沙隨潮日積而吳中多水患又按崑山郝亶云吳
 江築為石塘以障東流之勢是致下流淺狹漲潮沙半
 為平地如長隄如挽路如石塘皆同此處正是太湖東岸
 泄水下吳淞江入海第一要處古賢立論以曉人者三必

青浦縣志

卷五

三

水利

于隄間多置木橋多鑿水洞上則通行下則泄水蓋欲仗其急流奔注江湖衝滌泥沙泥免致水患然猶慮橋柱之阻水今人多不知此意或便于行路則壩塞湖口或倚于巡防則密置樁楸此又不止于橋柱之阻水也矧以菱荷魚斷等物障遏妨害農耕必得官司于此處榜示告戒使咸知利害可也吳江兩長橋古跡元長一百八丈今兩塊築塞四本路詢究得西長橋者古來無之後乃添設元長一百一十七丈今所謂東長橋者古來無之後乃添設元長一百一十八丈今所謂西長橋者古來無之後乃添設元長一百一十七丈今兩塊築塞六十丈以上三橋曾議鑿塊添橋寬展水道於三十年雖曾添橋展基未能深利如寶帶橋南塊全未通流皆合浚治崑山常熟兩塘昔邱與權六至湖塘自吳城東圍距崑山七十里俗謂之崑山塘北至常熟一百餘里吐吳淞江吳郡志謂常熟塘自齊門北至常熟一百餘里可接泄太湖水勢入崑城等湖注江達海今其兩塘諸河道姑以知名者言之各有七十餘條多有壩塞之處使其有通無塞可也各河之名載於別卷大盈趙屯按嘉禾志云大盈浦南接澱山湖白鶴滙以達吳淞江浦濶五十餘丈此餘丈趙屯浦南接澱山湖白鶴滙以達吳淞江浦濶五十餘丈此二浦注泄湖水最為切要常宜深濶通利近年以來漸至

淤塞有若平地愚生嘗究其淤塞之因蓋為閉塞注吳江平望沿太湖河道口于無太湖急流下澱山湖而澱山湖東向與潮相接先為東南積潮淤塞漸為富豪圍占變湖為田地由是二浦與湖相去漸遠而注泄亦遲不能衝滌渾潮此即淤塞之因也今至元增工開修趙屯浦至今通泄大盈浦為因支流溝洫如李墟涇孔宅涇顧方涇蘇溝沈麻瀝井亭瀝等處尤欠浚治兼浦口不曾增置堰閘隄防潮沙所以復至漲塞今宜修浚通泄吳淞江開滙按隄縣續圖經云自太湖東至沿江岸有環曲而為滙者甚多賴疏瀹而免水患若以今者環曲如崑山嘉定地面本在江北松江府地面本在江南今江南有嘉定地面盤龍崑山之石浦江北有松江楊林等處未必不由開鑿諸滙舍直就曲而然也及觀嘉禾吳郡二志有白鶴滙者乃昔嘉祐年間李兵部復圭崇寧間郊漕使亶宣和間趙提舉霖三開浚又顧會浦乃沈諫議主之開浚又有干墩金城諸滙乃儒者傳眩乞行疏決又有盤龍滙者按續圖經其滙徑纔十里而洄復迂遠踰四十里江流為之阻遏值大雨則泛濫旁齧淪稼穡壞屋廬范文正公嘗經度之至寶慶元年中內翰葉清臣按漕本路釀為新渠道直流速水患遂弭推原此滙皆由上源閉塞湖流遲緩潮沙

積聚而成今有河沙滙者漲塞江心阻水太甚民尤病之
不比昔年諸滙近在岸傍可以浚治卻有新華滄分莊滄
嚴家滄暴漲為害俱在江邊可以擇其要害者鑿開蓋
滄卽滙之異名也鑿而通之可免水旱二者之患矣
都水書吏吳執中言水勢浙西之地卽古揚州之域厥土
雖博而被水之害亦大宋有邠僑者曾論天下之水以十
分爲率自淮而北五分由九河入海大江而南五分由三
江入海書所謂三江既入震澤底定是也而三江所決之
水其源甚大由江東宣徽而來加以天目大山嶮潭并西
南諸山東注之水鍾于震澤卽今太湖也其湖綿亘三州
六縣周圍六百餘里濶三萬六千餘頃導其水而入海止
三時有泥淤不能通泄之論蓋浙西之水澤之藪外高內低
當時有盤龍但遇霖淫水輒泛溢欲使泄于江海其漸致淤
勢若盤龍但遇霖淫水輒泛溢欲使泄于江海其漸致淤
有二潮抑遏湖水渾流倒注來速遲日積月增漸致淤
澱致使上源太湖之水急不能泄遇潦則低田有滄沒之
患遇旱則高田有乾涸之危是豈水之性哉勢則然耳所
以導之有方則害可轉而爲利治之無術則利必轉而爲
害古之智者蓋未嘗不深察乎此而盡力于溝洫之政也

國家收附江南之初年穀屢登不聞水患所司因循失于
經理其弊積而至于至元二十四年二十七二十九
六年之間三遭大水所在膏腴悉成巨浸百姓缺食賣子
鬻妻者不可勝計官糧更有何望至元三十一年中書省
奏准大興工役開挑太湖練湖澱山等湖并通江達海河
港又加以修築圍岸自此之後歲獲豐收官糧民倉咸得
其濟所在官司理宜將已開河道時常拯治庶得不廢前
功無奈牧民之官畧不顧問復被海水日夜二潮將已開
大盈等浦漲塞殆盡吳淞江面淤塞幸而數年之間雨水
調勻不觀其患倘值年霽潦爲害非輕近蒙朝廷設官立
都水庸田使司專以總督其事敦本防災可爲良策官司
設立以來每年勸率百姓修築田圍拯治河道粗有成
然而數年之間事功尠猶未全成識者固已憂之適值
積而不泄所交霖雨頻作平江松江痛被水災溝壑盈滿
未盡之驗也今都水庸田司已行革去修浚之責歸于有
司卽自吳淞江舊云可敵千浦今則東自河沙滙西至道
禍浦六七十里間兩岸漲沙將與岸平其中僅存江洪濶
不過二三步深亦不過二三尺湖水所至比之舊時萬
不及一雖汪洋之勢見於上海新涇太倉劉家港通達入

水利

海豈能盡泄浙西數郡之水畧舉其由今吳江塘岸乃太湖
 湖咽喉之地昔人曾以挽路不便有宜建千橋之說今積
 石壅土數十餘里雖下有石洞百餘能泄幾何况又有東
 長橋西長橋寶帶等橋植數千柱于水中及岸之東向于
 江口則有富豪之侵占于江尾則有菱蘆之閉塞其患又
 豈止隄岸之為梗也又松江有湖名曰澱山周圍幾二百
 里其源亦自吳江分派由急水港鍾為此湖復自大漕港
 出大盈趙屯等浦入吳淞江達海去處中有塔寺昔居湖
 心此湖淤澱其寺已在湖岸之上今湖岸又復開拓于六
 七里之外矣蓋由此湖東向與海湖相接積淤成塗漸為
 富豪圍占致使二百餘里湖西大半為田大盈等浦接泄
 江海最為快便去處皆已堙為平陸至元三十一年開挑
 之時其上頃湖田固嘗官為收係定立界畔明白富豪嗜
 利巧計騙官仍復圍占今則澱山之圍田愈廣太湖之流
 勢愈遲每五六月之間水湧之時吳江石塘東向之水每
 低于塘西之水數寸可以為驗無怪乎東西之潮沙日盛
 于一日平江松江之圍田常困于滄沒其患蓋由于此以
 今浙西八郡之地錢糧如此其大生靈如此其眾誠不可
 不為之慮也今除修圍一節有司已有定式澱山練湖亦
 有元定畔界擬合嚴切申明常加極治外太湖一水乃浙

西諸水之上源萬頃汪洋必須疏泄上年霖雨平江淞江
 已受其弊可為龜鑑若更因循不治復遇霖潦則泛濫之
 患抑又甚焉為今之計若欲浙西水勢通疏少遇水患必
 開吳淞故道復澱山之舊規庶乎可以濟然而吳淞故
 江已被潮沙埋漲役重工多似非人力可及其澱山舊湖
 多為豪戶圍裹成田恐亦未易除毀即今太湖之水迂迴
 宛轉多由上海新涇太倉劉家港等處流注于海合無因
 其就下之性順其必趨之勢于上海太倉等處相視可開
 河港挑浚通流仍踏視吳淞故江應有舊倉等處出水支
 以容易出海去處盡行疏浚務使支脉貫通出泄順便開
 挑之際就令所司于已開河港之上訪求古跡安置閘座
 依時啓閉以抑潮沙或乞開河港之上訪求古跡安置閘座
 河撥戶差軍體例設立撩清人夫專一看
 守修理以防向後復淤之患官民幸甚

明嘉靖二年巡按謝琛疏琛疏畧謹按浙西天目諸山
 城昆承澱山三泖等湖其性本皆欲東故神禹相地分
 疏其東北入海者為婁江東南流者為東江並淞江為三
 江以分泄之自是不聞有水患後世海塘一築其近江
 泥之地悉成土田而東江之故道塞矣由是欲使東江之
 奇甫系志 卷五 六 水利

水迤邐北旋會入淞江而趨下之性遲矣故後人於常熟
縣北開二十四浦疏而導之揚子江又於崑山縣東開一
十二浦分而納之海所以補東江不通之力也又慮潮沙
易淤各於浦口置立板閘潮來則扇之以禦泥沙歲早亦
扁之以備灌溉又於閘外或設開江之卒或設撩淺之夫
皆所以決壅塞而防汎溢也永樂間尚書夏原吉區畫經
度如開劉家白茅二港甚合古人之法宏治七年工部侍
郎徐貫奉命繼理其事有通判姚文灝輔之一時疏浚之
法亦有次第舊制板閘夫卒之設圍岸之築皆未全備是
以諸浦之壅塞如故近年雖有帶管簽事官既不專名亦
虛設以至水利日廢乞命廷臣計議勅命專理及今秋收
之後訪前代疏浚之法為來年水患之備或計各府錢糧
空乏容其借取濟墅北新等關課鈔支用開諸浦以泄諸
圍岸以防橫流之勢雖曰費用浩大然以繼疏濬之功築
計被災免徵之費孰為多寡從可知矣

工科給事中吳巖疏太湖者水之所潴而三江又太湖之
已六十餘年下流既壅上流曷歸加以淫雨能不泛溢今
議能浚吳淞則水有所歸矣工計之要在於經度財力財
力必取之民間凡遇工程一概科歛則未免府縣派之里
甲騷動鄉村臣以為水利為田而興財力亦必計田而出
凡有田之家不拘官民每田一畝科錢一文每田一項科
錢百文不但積少成多抑且眾擎易舉實為經久之計於
每歲秋成之時折白銀徵解各府官庫數
目造報水利官處動支不許別官借貸

嘉靖間編修王同祖治水要畧

治水之要其說有三一日
之水二日浚治諸浦以泄江湖之水三日疏導涇港以泄
田中之水何謂開決三江故道太湖東入淞江出吳江長
橋長橋之水未嘗不通而所以為東吳害者則在下流入
海之處淤故積水溢而為沴耳若復決去長橋使湖流浩
至而入海之處又復不疾即吳江崑山常熟三縣之地將
為深淵此長橋不可盡決利害甚明也東江舊跡在大泖
西北為爛路港濼湖西有急水港白蚬江即東江之西段
也濼湖之東有出水港斜瀝口汶港白小瀝港大瀝口通
湖海往來潮退則引湖水下大漕大盈等浦入青龍江而
東江入海之處遂塞議者大率歸咎於黃浦海塘未必能為
東江入海之處遂塞議者大率歸咎於黃浦海塘未必能為
通塞亦自有時黃浦海塘未必能為東江

害也或以為東江既塞而澱湖之水由千墩等浦北入於
 淞江殊不知澱湖之水自屬東江其北入于吳淞者但支
 流耳遂以為可泄澱湖之水者非也苟能尋東江之舊而
 疏治之使澱湖所受之水皆得達於東南以人海則淞江
 可通而數百年之害可去矣何謂浚治諸浦吳郡之地北
 枕楊子江東通大海西控太湖南襟三江之水之發源則自
 太湖東注三江以入海又其支流北達楊子江以入海故
 古人於東北沿江入海之所浚三十六浦以分三江之勢使
 同歸於海其常熟之浦二十有四崑山之浦十有二今三
 十六浦之中入海者惟茜涇七雅白茅楊林為最大入楊
 子江者惟福山許浦為最大吳淞江之南有大浦三十六
 條東自北平破江艾祁顧會養蠶大盈南漚梁月石白分
 桑趙屯內勳石浦道禡蕭市金竈千墩涇浦張潭棠梨同
 邱諸天姚破墩蓋頭吳淞之北有大浦三十二條東自顧會
 德大姚破墩蓋頭吳淞之北有大浦三十二條東自顧會
 安亭徐公北漚瓦浦三林顧幕金城木瓜下界翦浦廣浦
 社城新洋江馬仁小虞大虞尤涇梁里華祥心瀆樂浦薛
 莊黃瀆真義界浦下里戴墟上顧青邱奉里任浦其在江
 之南者則西受陳湖等水南受澱湖諸水以入吳淞江而
 達於海其在江之北者則西受陽城湖諸水橫絕至和塘

以入吳淞江而達于海自新洋下界以東則反納吳淞江
 之水以東北趨於劉家港而入海吳淞江迤東入海之口
 其南有浜浦一十九條皆通華亭上海縣界其北有浜浦
 二十二條皆北通嘉定縣界皆近海潮汝往來易于漲塞
 廣者日狹深者日淺惟千墩一浦南通澱山湖浦極深濶
 與下界新洋南北相望水勢相入屢經開浚皆為民利今
 宜沿江相度各浦之通塞使湖之水必趨于江而江之水
 得入于海則東南之水定矣何謂疏導涇港蓋圩田四圍
 皆涇港環繞或傍江湖或傍浦塘引其水以溉田潦則決田
 則並通舟楫分利水道旱則引其水以溉田潦則決田
 水以入涇港泄諸江湖浦塘使歸於海其利於農田最為
 切要故凡緊要圍田水道通行開濬使稍深濶即取其
 開之土以修岸塍如是則田間之積水可引深濶即取其
 通流可散灌於浦塘浦塘決水可疾趨於江海大小相資
 首尾相貫又何水之足患乎又工役趨於江海大小相資
 二事常相須計費足則工役舉故今之言治農田水利者
 莫急於量財蓋工役之舉歲歲興修則繁而難行數歲不
 治則廢而難葺故必相其工之大小而為之制開江浚浦
 以十年為率疏決涇港築圩治堰歲歲修補或間歲一葺
 計費之出必量其費之多寡而為之制若開江浚浦疏通
 水利

涇瀆之大者則官為之區畫其築圩修堰及疏決涇港之小者則取諸食利佃作之家如此則不煩於公不傷於民矣

歸有光與兵道熊桴書

郝氏父子自謂范文正公不能逮非虛言也單君鶚未識松江之勢

欲截西水入楊子江蓋不專力于松江而欲涸其源豈理也哉華亭金生論尋東江故道松江源本洪大故別出而為婁江東江今當復松江之形勢而不必求東江之故道也周生論松江不必開光獨謂大開松江復禹之跡以為少異于前說執事邇者開疏瓦浦連月水勢泛溢比瓦浦道流不得其道則瀾漫橫暴而不制以此見松江當開也松江開則三百里內之水皆東南向而流矣歸有光與縣令書也松江為太湖出水之大道水之經流百引以灌溉自水利不修經河既湮支流亦塞迨夏駕浦口至安亭過嘉定青浦境中間不絕如綫是以兩縣之田與安亭連界者無不荒先時言水利者苟徇目前修一浦一港以塞責必欲自原而委非開吳淞江不可開吳淞江

則崑山嘉定青浦之田皆可墾議者不究其本見沿江種蘆葦之利反從而規取其稅向也豪民私占而已今取其稅是教之塞江之道上流既壅下流安得而不淤乎伏願毅然舉行庶幾垂死而再甦其有德於吾民甚大也已

徐階論水利書

頃工部以吳中水利移咨左右此不獨事出取給侵欠而所謂侵欠者又未必皆已輸官當此凶歲

流離載途劫奪時作苟無其財而遽欲興役郡縣承望橫加科差則反失沃州公題請之意而其為生民之病朝廷之憂有不可勝言者故欲公詳議審處為生民造福也抑有說焉凡言水利者大率二端蓄與泄是也而所謂蓄泄有大蓄泄焉有小蓄泄焉大泄者以海為壑鑿白茅諸港吳淞諸江導江湖之水而注之尾閘也大蓄者去江湖之淤澱使足以受支河之水也小泄者以近田之支河為壑導田間之水也夫專意于泄于救潦可矣即不幸五六月間復如去歲之不雨何以濟之不若致力于蓄則旱既足以救潦亦有所容而不為害也蓄泄之大者其勢用財力必多未易猝舉今姑治其小則莫若修築圩岸然亦不可槩云修築而已敝邑之田東西二鄉高下迥絕東鄉本不若水利

水岸高則車救愈勞當令各以修築之力疏濬支河為蓄
水之計仍遠徙其泥毋俾復壅西鄉圩岸在所必築而艱
於得土亦當督令浚河因取塗泥附之舊岸築而加高廣
焉庶財力不虛費而早潦有備也階素知公所志所養特
異流俗近見公政事益信其然不覺縷縷
古人云功不必自已出階獻言之意也

陸樹聲與按院論水利書

承示別札仰見仁臺軫念窮黎
焦勞經畫為吳民造命者無遺

算矣而猶計及停折德意所加切于乳哺信吳氏有二天
矣其將百世頌之所諭江工已竣當事者業有成績竊聞
之先猷謂治水之大要有二曰蓄曰泄非蓄無以防旱非
泄無以禦潦早則資蓄以灌輸潦則資泄以疏導非獨有
泄而無蓄也故三吳謂之澤國澤者水所鍾也如主于治
潦欲一決而涸之不幾于因噎而廢食乎今吳江而下浦
港支渠分流而東者謂之西水西水盛則海潮不能駕越
迺緣支河淺溢西水之來者微緩海潮之至者湍迅故潮
至則勢急而退速潮去則沙留而易凝退速則無灌輸之
實易凝則多淤澱之虞今所慮者潮沙日積河身漸仰蓄
泄兩妨論者謂吳江長橋之水迤邐而東山浦港支渠分
流放于海而下猶之白咽喉而達胸腹腸胃以下注尾閘

者也如今咽喉鯁噎胸腹腸胃壅塞則尾閘雖通而津液
不注鬪膈且將不利矣故浦港支河尤宜濬治務令深下
則停蓄流通無所壅塞遇潦則水藉以容納而不至于漫
延遇旱則水得以車戽而不至于乾嘆此兩利之道也乃
若田間水道則責令田戶各加疏浚此又不待言矣今吳
淞之工已畢聞之當事者亦將有事於此僕老耄懵于世
故因承下問率爾布此第恐言之無
當且以犯越俎之嫌也惟仁臺亮之

萬歷十五年御史江有源疏

三江者湖海之咽喉也自海
塘南障而東江湮廢水勢始

北折而為黃浦趨于吳淞并於婁江又溢入七浦白茆其
道紆迴屈曲不能駛急又海潮日有二至浮泥湧入淤塞
江路湖水泛溢為患修治之法一日開江湖以道其
壅一日疏塘浦以通其脉一日脩規制以善其後

萬歷四十年工科給事歸子顧請治吳淞江疏

江南澤國
以水為利

亦以水為害而利害則全係吳淞江之通塞吳淞一江當
太湖下流泄諸郡之滙水以注海而今且久塞太湖有納
無吐客水暴至即四向潰出渰敗數郡飢饉頻仍
欲全活蒼生與無窮之利則舍濬吳淞江無策也

萬歷四十二年巡按薛貞請濬吳淞江疏
 太湖之水三江受之其北繇劉家河入海所為婁江也其南繇黃浦入海所謂東江也吳淞一江獨當其中今此江既塞田間水道日就淺淤遇旬日之雨則一望瀰漫無從瀉出二麥新禾俱成腐爛幸而晴霽數日則又車戽無資田疇龜拆禾苗立見枯槁有司奉檄追徵但知痛恨逋負而不知逋負之繇寔原於此監司但知東南凋敝而不知凋敝之繇亦原於此此江之開濬何可一日不講哉議者或以早潦相仍公私俱匱不宜興作此未觀利害之原者也夫早潦災傷蠲免卽三四十萬流亡逋負不能追徵者又不知幾十萬疏濬之費准其凶荒陰耗之實其孰得孰失不待較而知也

居民陳秉忠等開濬吳淞江事宜經費條議
 吳淞江西連太湖東出大海諸塘浦港之行潦無不由江為駁尾因中段與蘇松二府分境互鈕北屬嘉定南屬上海青唯苦潮沙一日二汎漲勢洶湧中受澱積歷代屢修又復壅淤忠等探得此江利弊之原議有興修枝幹之法建議一冊工在一月可竟謹

將繁易緩急逐段開註
 計開開浚吳淞江煩易緩急各段總數
 東自上海縣城北開港口二壩地方起由西蘆浦曹家橋上灣塘新涇孫基浜莊家涇蟠龍塘接嘉定青浦縣屬高松塘儼儼浦紀王廟樊將軍廟至西落翎坡對南岸赤鴈浦止共長九千八百五十七丈五尺其上面之廣悉照舊額一十五丈兩傍老岸為定不必增減免派施工今議水之廣應在老岸二尺之下障灘之上以官尺量濶一十二丈比之民尺濶有一十四丈四尺下底之廣以官尺量濶七丈比之民尺濶有八丈四尺與今議建開口相若儘通蓄泄不必太過徒勞無益以面底并濶一十九丈摺作九丈五尺其間有淺深不等以逐段加深積算土方共七萬四千八百一十一方每方用夫一十六工夫共一百一十九萬七千工每工食銀三分共該工食銀三萬五千九百一十兩如減濶一半減深一尺六寸止用工三分之一共該銀一萬一千九百七十兩一應急濬工易之段西自嘉定青浦縣屬赤雁浦起至東上海縣屬新涇口止長五千五百六丈五尺據上海縣志云吳淞涇塞時太湖之水迂迴宛轉多由上海新涇返經于海勝國時惟新涇為要細思此段實應急濬泄西六府不測之濶潦其間深淺不一約分四段派算土方共三萬三千四百

七十八方夫工共五十三萬五千六百四十八工共該工
 食銀一萬六千六十九兩四錢四分 第一段西自赤雁
 浦起至東紀王廟儼儻浦止長一千六百一十二丈加深
 官尺五尺比民尺深有六尺每丈積該土方四方七分五
 釐夫工七十六工該銀二兩二錢六分土方共七千六百
 五十七方夫工共一十二萬三千五百一十二工共該工
 食銀三千六百七十五兩三錢六分獨此段水深四五尺
 若使岸乾至底其費倍加應候第二段開完之日然後
 翻段使水自竭民無煩達挑且泥土浮軟亦難施工暫可
 停緩令附近農夫甬起浮泥田借培壅江亦漸深挨至冬
 時撈泄便可省工食其濬新涇橫柳肇家浜小虬江皆是
 分泄西水注海之道 第二段西至紀王廟儼儻浦起至
 東莊家涇長一千三百一十一丈五尺加深官尺六尺比
 民尺深有七尺二寸每丈積該土方五方七分該夫工九
 十一工二分該銀二兩七錢三分六釐土方共七千四百
 七十五方五分該銀三千五百八十八兩二錢六分四釐 第
 三分共該工食銀三千五百八十八兩二錢六分四釐 第
 三段西至莊家涇起至東係基港高墩止長一千三百五
 十三丈加深官尺七尺比民尺深有八尺四寸每丈積該
 土方六方六分五釐該夫工一百六十四工四分該銀三兩一錢

九分二釐土方共八千九百九十七方四分五釐夫工共
 一十四萬三千九百五十九工二分共該工食銀四千三
 百一十八兩七錢七分六釐 第四段西自高墩起至東
 南岸屬上海新涇北岸屬嘉定牧瀆港長一千二百三十
 丈加深官尺八尺比民尺深有九尺六寸每丈積該土方
 七方六分該夫工一百二十一工三分該銀三兩六錢四分
 八釐土方共九千三百四十八方夫工共一十四萬九千
 五百六十八工共該工食銀四千四百八十七兩四分
 一應次第緩浚工煩之段西自新涇口起至東上海城北
 土壩地方闊港口止長四千三百五十一丈悉如平陸今
 議加深官尺一丈比民尺深有一丈二尺每丈積該土方
 五分該夫工一百五十二工該銀四兩五錢六分土方共四
 萬一千三百三十四方五分夫工共六十六萬一千三百
 五十二工共該工食銀一萬九千八百四十四兩五錢六分
 此亦分爲四段銀倘未足可以次第興工逐段疏濬 第
 一段西自新涇口起至東上灣塘口止長六百五十二丈
 土方共六千二百三十五方夫工共九萬九千二百五十
 六工共該工食銀三千九百七十七兩六錢八分算勾此
 銀先開此段 第二段西自上灣塘起至東蘆家橋蘆浦
 止長一千一百九十八丈土方共一萬一千九百一十一方夫



工共一兩六錢八分第五十六工共該工食銀五千三百七
 十一兩六錢八分第三段西自蘆浦起至東徐公港關
 橋傍止長一千二百六十五丈土方共一萬一千九百七十
 方夫工共一十九萬一千五百二十工共該工食銀五千
 七百四十五兩六錢第四段西自關橋傍潘家浜起至
 東土壩地方開港口止長一千二百六十五丈土方共一萬
 一千九百七十方夫工共一十九萬一千五百二十工共
 該工食銀五千七百四十五兩六錢獨此段土壩地方開
 港向來湧入潮沙其口受害最多歷來費帑勞民今治病
 之開應建于此口先要開完後可開通若使二工並舉須
 銀一萬三千兩缺亦可以暫緩且急洶江傍洛枝上灣連
 三徑開港河塘川洪皆能引水注江分流入海所謂借此
 眾口代江宣泄用此一法則開江稍遲農田亦半沾利
 一應急濬支河新涇一道北通吳淞江南通蒲滙塘長
 一千八百丈今議面濶五丈底濶三丈加深八尺每丈積
 該土方三方二分該夫五十一工二分每工二分該銀一
 兩二分四釐土方共五千七百六十四方夫工共九萬二
 千六百一十工共該工食銀一千八百四十三兩二錢橫
 柳塘一道東連華亭青浦上海三縣之蒲滙塘西連青浦
 城濠長五千丈今議面濶五丈底濶四丈加深五尺每丈

積該土方二方二分五釐該夫三十六工每工二分該銀
 七錢二分土方共一萬一千二百五十六方夫工共一十八
 萬工共該工食銀三千六百兩小虬江接連黃泥浜西
 南通吳淞江東連大虬江直出東段吳淞江應濬者共長
 二千六百丈今議面濶四丈底濶二丈加深五尺每丈積
 該土方一方五分該夫二十四工該銀四錢八分土方各
 三千九百方夫工共六萬二千四百工該銀六千六百九
 百四十八兩以上三河共該工食銀六千六百九十九兩
 一設處工食看得役有消長人有高下獨田無動移開
 通河道先利農田若但云設處官帑民役不言田上加派
 倘庫藏無贏免役有限終成畫餅必將二者兼行衆輕易
 奏均輸均派蘇州縣前議提編五遞年內糧長免役一
 年納銀公用今舊者見充不全新者未蒙編審更憐五年
 一替點派煩難今應在各屬十甲排年內提編免役追銀
 十年之內輪充辦糧分催一年民當悅服一示願輸二府
 州縣約有平米四百五十萬石各分承辦平米百石者納
 出免役銀一兩辦有一千石者納出免役銀十兩除聽官
 田不納亦共納免役銀三萬餘兩可以借支緩解者一
 面徵補田上加派每畝納銀一釐五毫亦在二府州縣官
 民戶相助暫納不為永例法既適均自然完速共約加派
 水利

田上銀二萬二千餘兩應在各櫃上各官甲分催完額內
 扣導河夫銀二府州縣每年約有三千餘兩共若干兩
 農倉稻穀共若干石庫括無礙贖罪銀兩共若干兩
 募召人夫應在傍江附近嘉定上海青浦等縣之里甲募
 召為便三縣共約一千餘里每一里編有十甲排年共有
 排年一萬甲每甲出夫四名每小塘長管夫四十名每
 日用夫四萬在河開挑十日該夫四十萬三十一日共夫
 百二十萬若賴天晴不一月江工可完此用塘泥夫俱係
 有產之戶各保身家者食領官銀視如已業不煩鞭撲速
 能告成一支河安能飛入應着坐區塘長圩中得利人
 吳淞大江開通水安能飛入應着坐區塘長圩中得利人
 戶查照魚鱗畝冊逐坵計畝出夫協力淘濬出工築岸可
 以禦防河深蓄水可以救旱與工之日即着汛地巡檢日
 兼監督夜勤巡緝更足弭盜安民一日即着汛地巡檢日
 難須委用得人方能築塞密實上安壘砌得宜務革一切弊
 和農事既畢下安築塞密實上安壘砌得宜務革一切弊
 實纜稱水利一塘岸官塘大路止蒲滙塘接連趙家浜
 東貫上海城濠西串華青二治凡遇上司府縣經臨官糧
 客貨裝載每因潮沙為患屢濬屢淤既蒙各憲詳建石閘
 三座東來濁汎不入西下清水常流官站民船早暮皆得

穩行不經外浦風險牽輓行役俱便民田旱潦有備更不
 待言矣但新開缺版舊閘半圯不能過蓄三河患害依然
 不改乞弔驗府縣呈卷應催原勘老人潘昇急估修治
 病設夫以時啓閉則農田利益無窮輓路坦夷有賴
 嚴訥水利圩岸序最蘇松介在湖海厥土塗泥利害以水
 圩岸者所以隄水護田即周禮稻人匠人所掌塗防者也
 田甚下濕岸則陡立如城河循其外而中田焉禾在田雖
 芫芫起矣而河流猶出其上舟行者蓋俯而窺也岸或思
 隙莫禦而田且沛澤矣其田在上下壤之間土厚而水深則
 既者則又終古焉鹵田在上下壤之間土厚而水深則
 膏腴以其得水蓄泄可為旱潦備而所為能蓄泄者以有
 圩岸耳歲若旱則河之水續桔槔而上以入于田河不龜
 拆田不乏溉歲若潦則水出河而岸障之雖勞人無從
 不盡待命于天自三江道埋疏醜失宜恒雨注積而無從
 尾間也水襄于岸而膏腴汨為巨浸不能與下隰者論良
 瘠矣廟堂深惟國計軫念民瘼枚擇憲臣專董水政而閩
 之林公實來公承簡書之重躬橈載之勤周爰咨諏尋源
 徹委決壅導積滌如存滙塘之浦之涇之港之谿之閘之
 以爲宣泄之大計者既殫厥心矣條縷其目知圩岸為切
 青浦縣志 卷五 水利

務而修築焉卑令高缺令補廢令興薄令培而厚浮令杵
而堅規畫既定先有司而督察之自庚辰歲農隙始事凡
一閱歲而次第告成方歲之潦也故老相傳說以爲正德
之庚午嘉靖之辛酉以及于今兩淡旬彌月而民不悉魚
者伊誰力耶先見之預圖而成勞之陰賜也嗣厥胼胝聿
觀厥成蓋至茲謀及圩岸而公之造民者悉巨細矣使公
緒之就先二歲民將不知災而且忘公力于何有然今而
後蒙福何限也且圩岸之有無利害彰彰也農民櫛沐襍
蓑罄室竭力于田而婦子懸命焉寧束手于一朝之患號
呼奔走其傍痛莫之救而獨不爲先事之備余恠而求其
說矣每圩田畝殆以千計田其中者殆以百計百計之中
有十不協力而九十家修築之無益也農雖值有年僅給
俯仰困于潦而轉徙者衆矣宜未暇爲圩岸計岸土取于
田岸寬則田窄小民愚不察其損小而利大也所喜者今
令出于官何力不協遠近風行感孚一使永圖之懷
誰不子來誰復惜小况公誠意感孚一使永圖之懷
心勸相多方視民之私計者功相萬矣故圩岸之利不難
知難在公之悉民隱而爲之任之也公績不磨有紹之者
賴其永

天啓四年巡撫周起元疏

與白茆二水竟未施工以致澳

塘至新涇口填塞小有水災低田輒淹數郡受患臣查曩
海瑞開吳淞江用銀七萬有奇近薛貞委官估計數亦相
當竊查萬歷三十六年水災軫恤蘇松等府銀五萬今或
卽此賑數再添一二萬俾臣檄各鄉饑民盡赴工作計丈
定工計人授糶計日給食所全活必無量而水利亦修尚
其故道淺者加深窄者加廣應開者建開應堰者築堰應
石者甃石倘民間有於淤地之傍鋤墾成業如不妨河面
不難稍以曲存其種植期于水流通瀉而止若故
爲阻撓以遂其占墾之誤臣願以白簡隨其後
屠隆東南水利論者實相表裏要之治田所以治水也昔
之推水學者曰郊亶曰單錡亶詳于治田錡詳于治水兼
而用之水利舉矣請先言治水太湖三面受水獨湖東一
面瀉之三江以入大海然三江水道僅有吳江一十八港
人江是太湖三面受水一面分流吞多吐少易蓄難泄常
鎮諸邑之水合于松江而松江之患益深矣總計之開吳淞江四
水又合于松江而松江之患益深矣總計之開吳淞江四

十餘里以復大江入海之故道于青浦濬大小山徑以泄
澱湖之水而歸入于泖又濬新開河以接大漕港濬橫塘
橫泖以接浦滙塘濬道謁趙屯大盈崧子盤龍等浦而北
入于江又以三泖北納澱湖南連浙水西入長洲吳江諸
蕩故于華亭濬秀州官紹鹽鐵等塘以泄南北兩涯之水
于黃浦總之合流吳淞江以入大海故太湖有所泄瀉三
江有所分注而水利興矣水利既興田乃可治低田所患
在水則不可無障而所以障其水者圩岸也高田所患在
旱則不可無蓄而所以蓄其水者溝渠也

也則治田之事正治水中之至要者也

陳繼儒開吳淞江議 書經云三江既入震澤底定蓋宣歙
震澤者其腹三江者其尾閭也一日婁江即太湖之劉家
河是也以婁江通而為劉家河震澤從吳江縣經蘇城之
婁門由崑山轉入太湖此蘇州之水口亦常州之大水口
也一日東江即松江府之黃浦是也以西浙水來故曰東
江也此松江之大水口亦嘉湖杭之大水口也一日中江
即今之吳淞江是也自東及西橫亘七八十里海忠介開
鑿而後歲久僅存故影蘇州之下流不能泄而蘇州之低
鄉困矣于是吳江常熟常州崑山嘉定太湖以及華亭青

浦水勢漫延無不受其殘滅者屋廬塌毀田地拋荒此緣
早無灌輸潦無泄浸故耳以愚計度之非千夫不可非設
處八萬錢糧不可非錢糧非協濟不可非專官責成不可非
衙官分督不可非蓋厥分棚不可又須巡行如海忠介公布袍
草蔬戴星出入面給錢糧不遲緩一刻不扣除一釐隨官
人役不橫索人一錢不巧賺人一飯而後事可舉也或曰
海忠介開而復塞何也曰以海潮之東入故也海潮渾濁
潮退則泥留矣泥厚一筭一日兩潮則一年七百二十筭
矣日積一日年厚一年雖欲不淤塞得乎識者云自西徂
東開至盡頭處留里許不開以壩海口既無潮退泥留之
患又省防鹽防盜之虞若逢水災洶湧請牌開壩眾鍾如
雲里許不日可濬水泄復塞何畏海潮何傷風水此開吳
淞江之妙策也但以銀米召募因救饑貧其功速派撥民
夫因累塘長其害大其功遲知此而禹績可成海忠介可以並享而血食矣

顧祖禹方輿紀要 澱山湖在府西七十二里與崑山接界
澱山湖在湖中亦名薛澱湖吳淞江水
滙流處也唐宋以來澱湖深廣境無水災宋南渡以後漸
至堙廢淳熙十三年提舉浙西羅點言澱山湖東西三十
水利

六里南北十八里旁通太湖滙蘇湖秀三州之水承下
泄不容壅遏湖水自西南趨東北其泄水之道東有大盈
趙屯大石三浦西有干墩陸虞道三浦又並湖以北中
爲一澳係吞吐湖水之地名山門溜東約五六里南北
約七八里正當湖流之衝北出日斜路港又北折而西曰
小石浦上達山門溜入大石浦其斜路港與大石浦
分爲三道殺泄湖水並從上而下通徹吳淞江自湖北至
江雖相去尚三十六里而江湖二水曉夕往來疏灌不息
是以浦港通利今頑民輒于山門溜東南取大石浦西取
道謁浦並于澱山湖北築成大堤延跨數里絕湖浦不
使北流盡將山門溜中圍占成田所謂斜路及大小石浦
泄放去處並皆築塞自是湖沙日以壅積湖水不復通流
下流既壅一遇淫潦不得潰裂四出散入民田大爲民
害詔及時修築于決開山門溜以通湖水咽喉濱湖巨
浸復爲良田紹熙中復被奸豪竊據爲田雖議者數以爲
言而弊未盡革迄元至元二十八年湖水漲漫損壞田禾
三二十年淫潦益甚都水潘應武言太湖之水一路徑下吳
淞江二百六十餘里抵海一路由吳江縣東南白蠟江東
北抵急水港又東五十里下澱湖周二百五十里由港
曰斜瀝口曰漢港口曰小漕港口曰大瀝口曰小瀝口各

濶十餘丈深六七尺通潮往來潮退則引湖水下大漕港
大盈等浦入青龍蟠龍等江出海古謂之尾閭門宋禁人
占湖爲田爲泄水路故也今山寺在田中心雖有港澗
不及二丈潮泥淤塞深不及二三尺潮水不相往來
擱住去水東南風起水回太湖則長興宜興歸安德清等
處水漲泛濫皆因下流不決積水往來爲害今縱碎難復
舊湖北有道謁浦千墩港大下流之一助也尋又言澱湖
順便可以開復此亦先通下流之便也尋又言澱湖
北一帶自屆兒頭港至趙屯浦百餘里共有港浦一十三
條今既淤淺惟道謁浦最低下去江頗近水勢甚便埋塞
未久宜修浚從之德中都水使麻合馬嘉言太湖迤
東而北諸湖陂澤皆能接泄太湖之水注江入海而澱湖
湖關係吳淞江注泄尤爲切要若不時開浚使湖之瀦
水益狹與大盈趙屯二浦相去漸遠則澱湖泰中知府
矣議卒不行至治三年浚吳淞江及澱湖泰中知府葉冕嘗
澱湖以國初澱湖壅塞益甚景泰中知府葉冕嘗修澱湖
湖堤以防橫溢初澱湖壅塞益甚景泰中知府葉冕嘗修澱湖
里而澱湖之浸初猶數十里今亦不過五六十里舊志澱
湖受太湖下流北由趙屯浦東由大盈去湖益遠由何家港
由爛路港以入三泖今趙屯浦東由大盈去湖益遠由何家港

青浦縣志 卷五 水利

南北漕港受湖水以泄于淞江非復澱湖之舊也輿程記自蘇州陳湖三十里至雙塔渡澱山湖湖面廣十八里又東十八里至謝石關又二十里接于泖湖

青浦縣志 卷六

水利 下

治績

禹貢三江既入震澤底定 孔傳三江婁江東江吳淞江也

周敬王二十五年伍員鑿河自長泖接界涇而東

烈王十五年楚春申君黃歇治水松江導流入海開港漑

田

唐開元元年築捍海塘自杭州鹽官縣起抵吳淞江袤一百五十里

元和五年蘇州刺史王仲舒築松江隄

天祐元年吳越命都水庸田司督撩淺夫疏導吳淞江及諸河

宋天禧二年發運使張綸督知蘇州孫冕疏五湖三江導諸港浦

景祐二年知蘇州范仲淹開五大浦疏導諸水使東南入

於松江

仲淹上宰相書畧太湖納數郡之水湖東一派謂之松江積雨之時湖溢而江湧橫沒諸邑雖北壓

揚子江而東抵巨浸河渠至多湮塞已久莫能分其勢惟松江退落漫流始下或一歲大水久而未耗來年暑雨復為沴焉人必薦荒可不經畫今疏導者不惟使東南入于松江又使東北入于揚子入于海也或曰江水已高北流不納淹謂不然江海所以為百谷王者以其善下耳江流若高則必滔滔旁來豈復姑蘇之有乎矧今開缺之處下流不息亦明驗矣或曰日有潮來水安得下淹謂不然大江長淮無不潮也來之時刻少而退之時刻多故大江長

淮會天下之水畢能歸于海也或曰沙因潮至數年復塞豈人力可支淹謂不然新導之河必設諸閘常時屬之以禦來潮沙不能塞也每春理其閘外工減數倍矣旱歲則屬之駐水溉田可救暵涸之災潦歲則啟之疏積水之患或謂開缺之役重勞民力淹謂不然東南之田所植惟稻大水一至秋無他望災沴之後必有疾疫謂之天災實由饑耳如能使民以時導達溝瀆保其稼穡俾百姓不饑而死曷為其勞哉或謂力役之際大費軍食淹謂不然姑蘇歲納苗米三十四萬斛官司之糴又不下數百萬斛去秋糴放者三十萬官司之糴無復有焉如豐穰之歲春役萬人日食三升一月而罷用米九千石耳荒歉之歲日以五升召民為役因而賑濟一月而罷用米一萬五千石耳量此之出較彼之入孰謂費軍食哉或謂陂澤之田動成砂瀾導川而無益也淹謂不然吳中之田非水不植減之使淺則可播種非必決而涸之然後為功也昨開五湖洩去積水今歲平秋望七八積而未去者猶有二三未能播種復請增理數道以分其流使不停壅縱遇大水其去必速而無來歲之患矣又松江一曲號曰盤龍父老傳云出水猶利如總數道而開之災必大減蘇秀間有秋之半利已大矣賦澹之事責在郡縣不時開導刺史縣令之責也

然今之世有所興作橫議先至非朝廷主之則無功而有
毀守土之人恐無建事之意矣蘇常湖秀膏腴千里國之
倉庾也浙漕之任及數郡之守宜擇精心盡力之吏不可
以尋常資格而授恐功利不至重為朝廷之憂且失東南
之利也

寶元元年兩浙轉運副使葉清臣鑿青龍江盤龍漕為新
渠從滬瀆入海

慶歷元年知華亭縣錢貽範開顧會浦由青龍鎮達松江
章峴重開顧會浦記禾與郡領邑四號繁劇者華亭居其
首唐天寶中析吳淞東境而置焉負海控江為上腴其魚
鹽之饒版圖之盛視它邑之不若也國朝重馭民之官宰
是者非名通閩籍秩在京寺則未始輕授慶歷辛巳歲夏
六月彭城錢君以九棘丞來蒞茲邑凡積政聞有因仍未
邊者驟乎改為如恐不及直縣西北六十里趨青龍浦曰
顧會南通漕渠下達松江舟艦去來寔為衝要平疇芳甸
傍羅迤邐灌溉之厚民斯賴焉自崧山之陽地形中阜積

淤不決高與岸等每信潮吐納才及半道而止者垂二十
年康定建元之後德澤仍歲浦無流津榜人其咨捨舟而
徒錢君惻然有濟浦便民之志首建斯議明年春由青龍
眺江瀾所來圖上其狀遂以議白府會府公集而錢侯銳
于振舉周覽風俗憫時苗凶期于順成刻意清瀆深然其
請乃籍新江海隅北亭集賢四鄉之民得役夫三千五百
五十人以其尉孫君專董其役既授成筭乃克濟美庀徒之
始患穀高民饑又重費官廩募邑之大姓洎瀕浦豪居力
能捐金錢助庸者意其豐約疏之于牘誘言孔甘喜輸叢
來凡得錢一百三十六萬計粟之直頭會而晨敷之繇是
揆日戒告標明部分定幟臚呼荷鍤雲集澤門無不時之
役東山賦忘勞之詩與三月辛酉訖四月辛丑始于邑郭
終于江濫增深四尺槩廣八尺無慮役工十萬二千九百
五十畝土平道者不預焉距縣半里舊設堰堤壅其上流
今則仍貫按圖經縣管塘浦尤大者凡五顧會是其一焉
次曰盤龍曰崧塘曰趙屯曰大盈而崧塘首源與顧會合
俱支流脉引環瀆民壤錢君又諭墾田者乘農之隙戶出
丁壯咸於顧會疏導之其或歲苦淫雨水沴且作則撤去
防庸縱其瀆漫自浦而泄滙于大川若驕陽盛怒蘊隆為
虐則瀦渟潮波公注置畊由浦而入潤流千頃矣夫然則
水利

陰陽慘舒之權歲時豐穰之候可移于人力何水旱之足慮哉爾其大堤屹起素波盛滿烟霞澄滅乎萬狀瀟淪朝夕而兩至行商力穡者各適其便擊音壤歌歡騰其間于是邑之耆老咸聚而言曰茲浦之堙爲我儕病久矣曩時字人者雖廉得利害而嗇于經費豈物有通否必待其人耶今吾宰以和惠浸人髓以鍼石去民瘼興懷起廢易于轉圜是舉也靡殘乎私罔耗于公因民所欲而利之則圖大垂久之制孰愈于是哉噫今之爲縣者雖有通人之才艱于施用率循蹈常輒飭身養望爲榮名之漸坐守歲月幸而代去其于建利除害幾何哉觀是浦也則錢君政治之淑慝從可知矣儻工之辰命案潦浮舟以落之峴職當載筆宜識其事聊謹歲月以俟來者云慶歷二年歲在壬午四月二十九日記

嘉祐六年轉運使李復圭濬松江白鶴匯法如盤龍名新江

元祐三年常平使者調蘇湖常秀民夫濬青龍江

紹聖中轉運使毛漸開大盈顧會諸浦入吳淞江

崇寧四年員外郎李公傳等疏導三江

崇寧間提舉郊置重濬白鶴匯熙寧三年置上書畧高田常患旱水田常患水先取所謂高田者設堰儲水以灌既之浚其經界溝洫使水周流以浸潤之立岡門以防其壅然後取凡所謂水田者一切罷去其某家涇浜之類循古遺跡或五里七里而爲一縱浦又七里或十里而爲一橫塘因塘浦之土以爲堤岸使塘浦濶深而堤岸高厚雖大水不能入于民田然後擇江之曲者決之則塘浦之水自高于江而江之水已高于海不須決洩水自滿流吳淞江南北岸水田一百二十餘里南岸大浦二十七條北岸大浦二十八條松江上流皆二條已上松江塘浦五十七條並當松江之流皆是濶其塘浦高其田岸以固田也久不修治遂至隳壞議者不知此塘浦原有大岸固田乃謂古人浚此大浦只欲泄水此不知治田之本也今當浚治成浦修築堤岸以禦水災不須遠治他處塘浦求決積水而田自成矣 置後未竟厥施其子僑復上言水利書畧太湖古所謂震澤也禹以

三江決此水今二江已絕惟吳淞一江存焉權豪圍占植
以菰蒲蘆葦吳江南築石塘江之中流多置罾斷以遏水
勢日淤月澱半為平地今必先治西北之水又闢吳江之
南石塘多置橋梁以決太湖會于青龍華亭而入海仍開
浚吳淞江以及柘澤塘澱山湖等處疏決開通達諸港浦
則水不為害矣治之者一以導青龍江開三十浦為說一
以浚涇浜作圩岸為說要當合二者之說相為首尾乃盡
其善臣論天下之水自淮而南五分由三江入海今只存
松江又復淺淤不能通洩故上流之水不能竟入于海支
分派別自三十餘浦北入吳郡界內即先臣奏中所謂欲
導諸江者復南而北矣沿江北岸三十餘浦除鹽鐵塘大
盈浦開導置閘外其餘小河一切並為大堰或設水竇以
防水水即吳淞江水徑入東海而吳之河浦不為賊水所
壅故欲去水害須開吳淞江修築堤岸則去水之患已十
九矣

大觀三年中書舍人許光凝開淘吳淞江置牐先是請按古蹟相度
疏導至是開江復置十二牐

政和元年詔修松江隄易土以石

政和四年詔平江府開三十六浦自斡山達青龍江疏濬

二十七里置東西四十八閘

宣和元年提舉常平趙霖浚白鶴滙圍裏華亭泖為田二

年霖修治江港浦瀆工成凡一江二浦五十八瀆

紹興十五年秀州通判曹泳重開顧會浦楊炬記畧紹興甲子夏大水吳

門以東沃壤之區悉為巨浸監州曹公歷覽川原攷視高
下訪于父老得顧會浦自縣之北門至青龍鎮浦六十里
南接漕渠而下屬於松江按上流得故閘基僅存敗木是
為旱潦潮水蓄洩之限復得慶歷二年修河記于縣圃而
知茲湖廢興之歲月與夫淺深廣狹之制役徒錢穀之數
判然察其惠利之實有在于此矣蓋歷百有六年河久不
濬而淪塞淤澱行為平陸遂以狀請于朝籍縣之新江海
隅北亭集賢四鄉食利之民以疏治之官給錢糧而董以
水利

縣令簿尉公偃冒風霜率先僚屬與工自十月二十有六日役三月而河成起青龍浦及于北門分為十部因形勢上下為級十等北門之外增深三尺而下至鎮浦極于一丈而橫廣五尺有奇底通三尺據上流築兩狹堤因舊基為闢復于河東闢治行道建石梁四十六通諸小涇以分東鄉之淳浸不浹旬水落土墳由是蘇山東西民田數千頃皆為膏腴役工二十萬用糧以石計七千二百為錢以緡計二萬五千若其他見于前記者茲不暇錄

乾道元年詔開顧會浦

乾道二年轉運副使姜詵浚通波塘

許克昌華亭縣浚河置閘碑皇帝克肖天

德剛健精粹高明悠久夙夜于治道日月以照之雷風以動之小大之臣迺肅丕應僉志奔走率職智不敢闕謀勇不敢愛力成順致利罔不從欲以能大宅天命照彰光堯之盛烈群生雍雍焉惟蘇湖常秀四郡經渠數百畝滄數千脉絡交會旁注側出更相委輸自松江太湖而注于海而所入之道歲久填闕雨小過境則泛濫瀾漫決鬻堤防浸灌阡陌迺隆興甲申秋八月淫雨害稼明年大飢上臨朝咨嗟分遣使者結轍于道發廩賦粟以活餓者迺博謀

于廷曰維雨暘之不時于敢不懋于德然使水旱之不能災者寧無人謀或曰巨家嗜利因歲旱乾穰水所居以為田則雖以隣為壑而不恤既瀦水之地益狹則不得不溢盡盡覈所占而鑿之以還水故宅庶民病其少瘳乎上曰是誠有之然不可悉鑿也寧疏水下流而導之會言蘇秀最下華亭尤近海十八港皆有堰捍潮可一切決之四湖所瀦水宜為斗門以便節減上覽而異之亟命兩浙轉運副使姜詵與令丞行視其宜姜侯開明強濟誠愛果達有仲山甫匪解之節既受旨即馳布德意諏訪故老周覽川野窮源委度高下審逆順取衝要盡得其便利以聞曰東南瀕海之地視諸港反高雖有神禹不能導水使上也盡開諸堰適能挽潮為害闢湖以瀦水可矣將以決洩而下流猶壅則無益也今宜復通波大港以為建瓴之勢又即張涇堰傍增庫為高築月河置閘其上謹視水旱以時啟閉則西北積水順流以達于江東南鹹潮自無從入也上稱善即丐以常平之帑贖其役且與守臣鄭聞會其事制許焉則相與庀徒揆日賦財計功一木一石一夫一工皆窮校研覈纖悉周密費而有節既具以授之縣令侍其銓侍其銓健吏也威以梏姦說以使人一木一石一夫一工主必手自賦給不可廢也檢程視作弗容苟簡乃浚河自

水利

其土治高岸護青整傍今有青整港故水所敗田數萬畝
還爲膏腴爲闢于邑東南四十有八里增故土七尺甃巨
石兩趾相距常有四尺深十有八板板尺有一寸月河之
長三千三百五十有五尺廣常有六尺比浚河之工萬有
一千二百金工石工木工畚築之工伐取運致之工總其
數槩七倍于浚河糜錢繕九千三百五十四粟石二千三
百有九十始于仲冬之朔凡五十有五而畢蓋歛未嘗
及民而民亦若不知有是役也于是耕夫野人相與來言
曰昔也十日不雨吾倚耒而待澤十日而雨吾捧土以增
坊今四州之人自是知耕斂而已雨暘惟天可也此吾君
之澤而二三大夫之力吾儕鄙人也持牛尾拊蹈而歌鳴
嗚言語下俚不可聽也蓋爲我文之克昌竊迹前事鄭白
之渠成而關中沃野無凶年其民歌之班固志與焉于今
盪耳目也今天子仁聖勤儉宮中無一椽之營獨念稼穡
之艱難遇裁而懼食不甘味寐不奠枕務以與天下之利
而忠恪之收畢智慮展四體迄此成功乃野人之歌不足
以被管弦垂汗青倘太史氏又以爲主上盛德大業固已
不可勝載茲特一方之細故畧而不悉則是四方之大利
曾不得齒于關中之二渠垂光萬世此承學之罪也乃爲

歌五章以遺斯民使扣角擊壤以極其鼓舞懽愉之情用
發揚聖德亦使知自今農爲可樂而招之反本云若夫念
圖功之孔艱嗣美績于無窮加治于未壞時浚而勿壅尚
屬諸來者其詞曰水橫流兮無津涯浩浩洋洋兮誰束之
帝不寧兮謀臣來謀臣兮夙夜水滔滔兮迤而下不舉菱
兮但耕稼君王智兮如神禹川后禹師兮莫余敢侮且決
且溉兮介我稷黍我受一廛兮終善且有汝行四方兮會
不足以及餬其口盍歸來兮君王錫汝以萬金之畝帝謂兮
三臣錫之福兮慰汝勤報我君兮歲後天施我
孫子兮彌豐年乾道二年十二月二十五日記

乾道五年增置撩湖軍兵專一管轄不許人戶佃種菱菱
因而包圍隄岸

淳熙二年立庸田司於平江撩漉吳淞江沙泥并浚通波
盤龍蒲漚等塘

淳熙十年命秀州發卒濬治松江太湖之水遇早卽開西

輝堰放入泖湖

淳熙十三年提舉常平羅點開澱山湖點乞開澱湖圍田狀澱山湖為奸民

包裏圍田築斷堰岸致水勢無由發洩此湖上通蘇湖秀

三州之水全藉古來斜路等港通洩湖水下徹大小石浦

出吳淞江入海其大者東有大盈趙屯大石三浦西有千

整陸虞道褐三浦中間南取澱山湖北取吳淞江凡三十

六里並湖以北中為一澳係古來吞吐湖水之地今名山

門溜東西約五六里南北約七八里正當湖流之衝非眾

浦比貫山門溜之中又有斜路港上達湖口當斜路之半

又西過為小石浦上達山門溜下入大石浦凡斜路港大

小石浦分為三道殺洩湖水並從上而下通徹吳淞江

湖二水朝夕往來疏濶不息以此浦港通利無有沙泥壅

塞今頑民輒于山門溜之東南取大石浦西取道褐浦並

緣澱山湖北築成大岸延跨數里遏絕湖水不使北流盡

將山門溜中圍占成田所謂斜路及大小石浦放洩去處

並皆築塞父老常言圍岸初築時湖水平白漲起丈餘盡

壅入西南華亭縣界大小石浦並斜路港口既被圍斷其

浦脚一日二潮則泥沙隨潮而上潮水又不下流無緣蕩

滌通利今淤塞反高于田遇水則無處洩遇旱則無從

取水大抵水性趨下下流既壅其勢必潰裂四出散入民

田理無可疑者

淳熙十七年提舉常平劉穎疏澱山湖泄吳淞江禁民無

逼塞上流農田利賴

前進士胡恪開修三江五滙三江包于太湖五滙三十六

水有所歸永不為患乃詔給簿尉俸隨司門員外郎李公

傳相度開修三江積水後轉運提刑提舉司言開洶吳淞

江埋塞去處自大盈諸浦洩水入海凡用二百二十二萬

七千八百一十五工錢糧一十八萬三千九百八貫石四

十二灣古云九里為一灣一灣低一尺二百四十里到三

江口三百六十里到大海三江口吳淞江口白鶴江口青

龍江口江面濶九里地勢低于震澤三丈潮水來時水高

三丈到震澤底定震澤即太湖也所以謂之平江五滙安

亭滙白鶴滙顧浦滙盤龍滙河沙滙滙者江與湖水相會合之地故謂之滙也

開慶問權華亭縣黃震議修田

震申府狀畧竊見本縣管下圍田盡在西鄉見

今茫茫尚成巨浸未可施工向後水退各有田主自係已
事何待官司監督縱使官吏到鄉不過於官河上經行一
遭取鄉保結狀一紙而去僻村小港何緣遍及坐守監視
恐無此理縱一處可監其餘凡幾鄉幾圍安得一而監
之古有田峻之官固可往來阡陌與民無間時異事殊百
姓畏官如虎凡欲利之適以害之今歲荒歉被害最盛諸
司重疊差官檢澇諸鄉勸分曠場旁午者保以上迎接不
暇吏卒之擾為官者兩耳目尚檢核不及或所差不得其
人則其為擾朝廷又安得而知惟有省事即是便民况田
岸之事小水利之事大田岸之事在民不得為必欲利民使
慮水利之事在官在官者在大者竊考本縣圖志南北東西
有放水之莫若講求水利之大者竊考本縣圖志南北東西
至通波塘直東以蒲匯通大海西以大盈浦通吳淞江各
人妄獻利便將洩水之地塞為沙田朝廷不知一時聽信
公私交病所失甚多今若準舊開浚則百姓自然利賴其
為修田岸也大矣

元至元末疏濬山湖

浙西水利歸附後隸行大司農司有

濟事功而罷至元二十八年准行省燕察政言浙西諸郡
之水聚于太湖湖有幾處入海河道有濬山湖者富家占
據為田以致湖水漲漫損壞田禾于是都省奏命左右司
郎中都爾爾瀾失相與開挑明年又值霖潦都省復奏命
事官秃刺思行院董僉院浙東宣慰使哈刺反選知水利
人吳攸張桂榮潘應武相視到合浚湖泖河港合置橋梁
開霸九十六處總用夫匠一十三萬可修一百日了畢都
省之張泰議者擬議所占湖田元是沒官田地宋亡之後
富戶據占合收糧米還官為挑支河用都堂然之故即湖
田開新港三條濶約三十餘丈及浚趙屯大盈二浦迅刷
湖流而水患遂輟焉潘應武決放湖水議切見朝廷數
百萬米糧浙西數百萬生靈之食皆取給于浙西數郡而
浙西地勢極低出產米糧豐厚自圖山福山而有一百餘
十里餘沙岡身以限滄溟岡身之間有港浦一而五十五
處湖汎往來至震澤而定故名曰平江有太湖又各洞庭
湖周圍三萬六千頃受納三州六縣三吳五湖之水合流
而下一路徑下吳淞江二百六十餘里抵海又一路自急
水港五十里下濬山湖湖周圍二百五十里由江浦入海



浙人常苦水災古人開浦港澗瀝之類無非為去水計使
民居無昏墊而土可耕墾居民常常修築為睦官司常
修浚水路潦則車水出田旱則車水入田公私之利溥哉
公私氣力少有不則民居蕩析錢王時置撩淺軍四部
七八千人專為田事導河築堤宋初廢弛常有水患至仁
宗朝范文正公親歷海濱開濬五湖東南入吳淞江東北
入海用費錢糧一十八萬三千五百九十八貫石自後置
農田水利使專管湖塘河渠趙運使任內用錢米四十三
萬人專一修江湖湖塘工役僅免水患歸附後軍散營廢
米糧歸之朝廷有莊田荒廢無人經理河港湮塞水脉不
通無官修浚其澱山湖中有山有寺宋時在水中心東有
出水港口斜澀口曰汶港口曰小漕港口曰大澀口曰小
澀口各濶十餘丈深五七尺通潮水往來潮退時引湖水
下大漕港大盈浦入青龍蟠龍等江出海而去古人謂水
之尾閭門宋法禁人占湖為田為泄水路故也後權豪勢
要之家占據為田今山寺在田中心雖有港澗不及二
丈湖泥淤塞深不及二三尺潮水不相往來攔住去
水東南風水回太湖則長興宜興歸安烏程德清等處水
漲泛溢皆因下流不快積水往來為害近年雖蒙省府差

官相視每為勢力所沮去夏一水澱山太湖四畔良田至
今不可耕種今年可耕者皆以人利爭勝負農家日夜踏
車車水出田子女脚皮生野田外河港水高於田三五尺
近日禾稻將熟又為暴風驟雨激破圩塍全圍淪沒今秋
雖曰大熟即日菜麥無土可種或遇風雨來歲又是荒歉
建言屢矣未見施行積久不決圍墜坍塌再遇霖雨悉為
魚池民居蕩析公私坐失厚利彼時修治用費即廣民力
困乏悔亦無及愚昨隨營田司官相視水勢與高年老農
識地理人講究得澱山湖東大小漕港斜澀口汶港口固
是水之尾閭門今為權豪占據為田此處水路卒難復舊
順便今若先于此處開濬决放水路以救百姓生靈以保
公私財貨寔為居安慮危經理根本之計候潮水減退然
後次第開浚諸處河港修理堰閘以濟運河此即古人所
謂下流既通上游可道也應武復言便宜伏詳東坡先
生曰三江之水瀦為太湖太湖之水溢流吳淞江以入海
海日兩潮海濁而江清湖水濁常欲於塞江路而江水清
駛隨輒滌去海口常通則吳中少水患此數旬包盡浙西
水路一個駛字斷盡浙西水性駛者治也疾也今日浙西
水自丙子年恐哨船入境擄掠鄉村各自釘塞地分河港

青浦縣志 卷六 水利
吳江長橋係三州六縣太湖衆水之咽喉長橋南塊古來
水到龍王廟側又被築塞五十餘丈沿塘三十六座橋道
實鄉村河港衆流之脈絡多被釘斷日久歲深浮穢壅塞
亦有橋道被築實壩水不通流所以不流不活不疾不駛
不能隨卽滌去淤塞以致澱山湖小漕港口大壚口汶港
口等處潮沙日壅積成數十里之廣三五尺之厚被權豪
占據爲田潮水不相往來如人之便溺不通水滿四肢胸
腹間滯雨再作舊病復至四年雨潦朝廷虧失米糧數百
萬石浙西百姓聞風鼓舞已有更生之望續見諸人陳言
湖文俱非救弊良策切恐有誤國聽徒費錢糧爲今之計
以决放湖水入海爲急務澱山湖北道滬浦石浦千墩浦
小瀝口四處實係今日决放湖水入江下海緊切去處元
係古來水路今春先修浚道滬浦石浦兩處深濶使湖水
通流田夫可以做岸今春可以耕種然後次第開濬沿塘
橋道鄉村河港整理堰閘以防運河走洩今逐一條具其
事一道滬浦石浦千墩浦屬崑山界小瀝口屬華亭界澱
山湖北一帶自廟兒頭港至趙屯浦一百餘里共有浦港
一十三條並皆淤塞應武昨與營田司劉副使登澱山寺
鐘樓遠望惟道滬石浦最低下叩問當地耆老俱曰十年

前潮水往來近年埋塞若不及早修浚滯雨再作舊病復
至一沿塘三十六座橋道俱屬吳江縣又葑門外至吳江
七里橋屬長洲縣多有上下塘橋道壩塞不通數內第四
橋一湖白颯江下急水港直至澱山湖自來此水甚險後
因被占湖蕩爲荷蕩造橋築隄水路淺狹不甚通徹宜委
官相視各令仍復通放一舊時長橋南塊水口至龍王廟
側後被壩塞五十餘丈見蓋房與軍戶居住以致太湖水
口狹小滯雨一至水不通徹多致泛濫衝損塘岸行路不
時差夫修治深爲不便近日開浚處乃係歸附後添制長
橋三高亭前卽非舊來泄水故路徒費工程今宜委官往
地所指定龍王廟基省會軍戶移入營內候七八月日長
水涸興工掘取泥土就便壩疊沿塘道路此亦兩便中間
留一實塊仍舊造橋相接一吳江長橋宋時立水軍三四
千人吳江知縣職銜帶提督湖塘河渠縣尉職帶巡視湖
塘河渠設官田三千餘石米名修橋米歸附時又有修浚
縣河米應有橋道坍塌壞水路湮塞本縣自行支用隨卽修
治自此浙西三十年來並無水患及范文正公治水議乞
敕下諸路行勸課之法取其簡約易從之術頒賜諸路轉
運使面賜一本付新授知州知縣等此養民之政富國之
青浦縣志 卷六 水利

本也今日參政為浙西生靈敷陳決放湖水入海此二百
年一遇深恐去後仍舊廢弛如蒙以官田撥付吳江縣管
隸常切巡視沿塘一帶橋道河渠并道謁浦等河應有圯
壞埋塞隨即修浚通徹如此則永無水害實為公私無窮
也之利

大德初立都水庸田使司尋罷復立都水監開江置木閘
元史河渠志太湖為湖西巨浸上受杭湖諸山之水潴蓄
之餘分滙為澱山湖東流入海世祖末年參政暗都刺言
此湖在宋時委官差軍守之湖旁餘地不許侵占常疏其
壅塞以洩水勢今既無人管領遂為勢豪絕水築隄繞湖
為田湖狹不足潴蓄每遇霖潦泛溢為害昨本省官忙古
鰥等與言疏治因受曹總管金而止張參議潘應武等相
繼建言識者咸以為便臣等議此事可行無疑然雖軍民
相參選委廉幹官提督行省山住子行院董八都兒子行
臺哈刺刺令親詣相視會計合用軍夫擬稟世祖曰利益
美事舉行已晚其行之既而平章錢哥言委官相視計用
夫十二萬百日可畢昨奏軍民共役今民丁數多不須調
軍世祖曰有損有益咸令均齊毋自疑惑其均科之至元

三十一年世祖崩成宗即位平章錢哥奏太湖澱山湖昨
嘗奏過先帝差倩民夫二十萬疏掘已畢今諸河日受兩
潮漸致沙漲若不依舊宋例令軍屯守必致坐墮成功臣
等議常時工役撥軍樞府猶且倭惜屯守河道用軍八千
必辭不遣澱山湖圍田賦糧二萬石就以募民夫四千調
治河渠圍田命伯顏察兒暨樞密院議畢聞於是樞府言
嘗奏澱山湖在宋時設軍屯守范殿帥朱張輩必知其故
擬與省官集議定稟奏有旨從之乃集樞府官范殿帥等
共議朱張言宋時屯守河用手號軍大處千人小處不下
三四百隸巡檢司管領范殿帥言差夫四千非搖動四十
萬戶不可若令五千軍屯守就委萬戶一員提調事或可
行臣等亦以為然與都水巡防萬戶府職名俾隸行院樞
府官又言若與知源委之人詢其詳候至都定議從之
中書省奏立浙西都水庸田使司於平江路專一修築圍
岸疏浚河道務要田農得濟水道流通圍岸堅固浙西澱
山等湖已有定立官湖界畔諸人不得似前侵占復為民
害違者庸田司就便追斷又浙西海水晝夜兩潮隨帶沙
泥入港漸成壅遏宋時另設撩清軍人專一撩洗今仰庸
田司於二八月內依時督責如法疏浚毋致壅遏與民為

害挑浚河道修理河岸開壩合用人工如何措置可以常
久通行行省更爲從長議擬又殿山練湖諸人占湖爲田
歲納租糧所在官司另行收貯若有合行修浚人工物料
從庸田司募工支用立監開江八年夏五月中書省淮江
浙行省咨任仁發言吳淞江故道淤塞奏立行都水監仍
於平江路設置直隸中書省及命行省平章徹里提調疏
浚繼詔條有云開挑修浚河道開壩等合用一切物料行
省卽於官錢內修買應付又浙西苗糧戶內起夫一萬五
千名自備什物每名工役一年免糧一十五石其軍站除
贍役地外依上科著僧道也里可溫答夫蠻不分常住併
權豪官員不論是何役不納官糧之家以地五頃著夫一
名從行都水監選委廉幹官員部夫督役其有釐立專功
廉能稱職者行都水監具跡舉明其著夫人戶雜泛差役
權行蠲免各名臣事畧吳淞江記歲甲辰前海道千夫長任
仁發以吳淞江故道堙塞使震澤之水失其就下性爲浙
西居民害垂二十年慨然上疏條其利病疏導之法中書
省以聞特命平章公董其役公乃相其山川形勢之宜高
深廣狹之度工役之數錢穀之費畚鍤之用飲食之需命
民索絢乘屋厚藁藉以防其卑濕爲醫藥以防其疾疫時
率作以防其倦怠上以誠感下下以誠應上民乃歡呼四

集樂於趨事赴功始於大德八年冬十一月望前二日西
自上海縣界吳淞舊江東抵嘉定石橋迤邐入海長三十
八里一百八十一步三尺深一丈五尺濶二百七十五丈役夫
爲數一萬五千爲工一百六十五萬一千六百七十有奇
至九年二月晦畢工復置閘竇啟閉一時物無疵癘民無
天闕而事竟集復開江東西河道置木閘十年行監復開
挑吳淞江東西兩處河道起工於閘正月之三日自上海
縣界趙屯浦大盈浦白鶴江分莊菰樊浦西浜盤龍舊江
計長三十七里三百二十二步數內樊浦爲頭一河下接
新涇舊江而濶二百餘丈俱深一丈五尺休於三月之二
十九日實夫三百四十五萬六千四百一十九既又於廟
涇以西盤龍以東開挑出水口子五處并新涇安置木閘
二座一至江二里三百三十
九步一至江一里四十七步
大德八年平章燕只吉臺徹里濬治吳淞江
尺吳淞江東黃浦口起至永懷寺東大盈浦口止一萬五
千一百丈大盈浦口起至永懷寺止一千六百丈永懷寺
東起至趙屯浦口止一千五百丈趙屯浦口起至陸家浜
止二千三百五十五丈陸家浜起至千墩浦口新洋江止一
水利

千六百丈通計長二萬二千一百
五十丈廣二十五丈深一丈五尺

大德十年都水監任仁發濬吳淞江

江三江洩太湖之水而入于海水有所歸復有所洩則震
蕩者平定尚何霖潦之可憂哉三江已塞僅有吳淞一江
今下源沙高水淺不甚湍息若及早開浚工費省而易為
力數年之後愈久愈埋工費倍而難為功所當預為之圖
也或以勞民之說藉口為難行我以佚道使之勞而無怨
若不特田為日塞月堙或遇霖霖之雨水潦之災滔天難
遇不特田為日塞月堙或遇霖霖之雨水潦之災滔天難
性既下導而使之通流而已河港陂塘狹者廣之高者下
之塞者浚之瀾漫者隄防之人皆能言殊不知治水之法
須識潮水之背順地形之高下沙泥之聚散隘口之緩急
庶不徒勞民力而民享無窮之利自唐至宋陳令公丞相
裴度范文正公葉內翰朱晦菴蘇東坡歐陽文忠公皆陳
言修浚或者于浩費而不行或惑於浮議而不講或始行
而終輟或營修不得治水之法因循歲月少見實效歸附
後江河淮海缺官管治愈見堙塞二十餘年之間水利大

壞以致蘇湖常秀之良田多棄為荒蕪之地深可痛惜區
區管見惟以開江圍岸置閘為第一議也謹錄蘇范二公
力排浮議天時人事不可開江之說於後范文正公親至
海濱是時論者阻之公以為江海善下故得為百谷王豈
能不下於此謂江水已高不納此流者非也彼一日之潮
有損有增乘其損而趨之勢孰可禦謂日有潮至水安得
下者非也開導之河必設諸閘常時扇之沙不能塞每春
理其閘外工減數倍亦復何患謂沙因潮至數年復塞者
非也江南所植惟稻大水一至秋無他望俾之轉達溝瀆
脫百姓於飢殍使道使之雖勞不怨謂開浚之役重勞民
力者非也於是疏濬積滯民受其賜又有對東坡蘇公言
吳中水患者乃天理之當然不可復以人力修治東坡曰
不然父老皆言此患所從來者四百十年耳蓋人事不修
之故非天時之所致也范蘇二說愚雖不敏深以為然
至大初江浙行省督治田圍
行省以去歲水旱災傷田禾
不收物價涌貴百姓艱食雖
曰天災流行亦因人力不至即今春首農事將興各處田
圍高下不等合修陂塘圍岸溝渠曉諭農家須要依法修
置遇旱車水澆救遇潦洩水通流會集行都水監官李都
水講究得修浚之術田主出糧佃戶出力係官圍田若無
水利

總佃貧窮無力不能修浚者量其所須官為借貸收成日
 抵數還官事有成效勸農定擬陞賞奏聞失誤者治罪其
 拋荒積水田土多因租額太重無人承佃勸諭當鄉富上
 人戶自脩工本修築成圍聽令本戶佃種為主拋荒官田
 止納原租初年免徵次唯半而三甫全積荒則三年後第
 依民田輸稅諸人不得爭奪及照到前庸田司五等圍岸
 體式以水為平平水田為第一等高七尺五寸底濶九尺
 濶四尺五寸田高一尺為第二等高六尺五寸底濶八尺
 濶四尺五寸田高三尺為第三等高五尺五寸底濶七尺
 濶四尺五寸田高四尺為第四等高四尺五寸底濶七尺
 濶四尺五寸田高三尺為第五等止添脩水高三尺底濶
 六尺濶五寸田高三尺若山水原落圍岸迫近諸湖去處自願增
 聽者

泰定元年左丞朶兒只班同任仁發治澱山湖元史河渠志浙西諸

山之水受之太湖下為吳淞江東匯澱山湖以入海而潮
 次往來逆涌濁沙上堙河口是以宋時設置撩洗軍人專
 掌修治元既平宋軍士罷散有司不以為務勢豪租占為
 蕩為田州縣不得其人輒行許准以致堙塞不通公私俱

失其利矣至治三年江浙省臣方以為言就委嘉興路治
 中高朝列湖州路知事丁將仕同本處正官體究舊會疏
 濬通海故道及新生沙漲礙水處所商度開濬圖呈據丁
 知事等官按視講究合開濬河道五十五處內常熟州九
 處十三段該工百三十二萬一千五百六十二崑山州十
 一處九十五里用工二萬七千四百日役夫四百五十
 六宜於本州有田一項以上戶內驗田多寡算量里步均
 派自脩口糧赴工疏濬正月上旬與工限六十日工畢二
 年一次舉行嘉定州三十五處五百三十八里該工百二
 十六萬七千五百九十九日支糧一升計米萬二千六百七
 石五斗九升日役夫二萬一千一百一十七日畢工
 程浩大米糧數多乞依年例勸率附河有田用水之
 家自脩口糧佃戶備力開濬奈本州連年被災今歲尤甚
 力有不逮宜從上司區處高治中會集松江府各州縣官
 按視議合濬河渠華亭縣九處計五百二十八里工九百
 六十八萬四千八百八十二役夫十六萬一千四百一十
 四人日支糧二升計米十九萬三千六百九十七石六斗
 四升上海縣十四處計四百七十一里該工千二百三十
 六萬八千五百二十二日役夫二萬六千一百三十四日支
 糧二升該米二十四萬七千三百六十一石四升六日
 水利

工畢官給之糧備民疏治如下年豐稔勸率有田之家五十畝出一夫十畝之上驗數合出止于本保開濬其權勢之家置立魚籬并沙塗栽葦者依上出夫其上海嘉定連年早澇皆緣河口壅塞早則無以灌漑澇則不能流洩累致凶歉官民俱病至元三十年以後兩經疏濬稍得豐稔比年又復壅閉勢家愈加租占雖得徵賦實失大利上海縣歲收官糧一十七萬石民糧三萬餘石畧舉似延祐七年災傷五萬八千七百餘石至治元年災傷四萬九千餘石二年十萬九千餘石水旱連年殆無虛歲不惟虧欠官糧復有賑貸之費近委官相視地形講議疏浚其通海大江未易遽治舊有河港聯絡官民田之間藉以灌漑者今皆填塞必須疏通以利耕種欲令有田人戶自為開濬而工役告繁民力不能獨成由是議上海嘉定河港宜令本處所管軍民站竈僧道諸色有田者以多寡出夫自備糧作治州縣正官督役其豪勢租占田蕩阻水利者並與除關本處民田稅糧全免一年官租減半今秋收成下年農隙舉行行省行臺廉訪司官巡鎮外據華亭崑山常熟州河港比上海嘉定緩急不同難為一體從各處勸農正官督有田之家脩糧併工修治若遠興工陰陽家言癸亥年動土有忌預為咨稟可否至泰定元年十月十九日右丞

相旭邁傑等奏江淞省言吳淞江等處河道壅塞宜為疏濬仍立牒以節水勢計用四萬餘人今歲十二月為始至正月終六十日可畢用二萬餘人二年可畢其丁夫于旁郡諸色戶內均差依練湖例給備糧食行省行臺廉訪司并有司官同提調臣等議此事官民兩便宜從其請若丁夫有餘止令一年畢命脫歡答刺罕諸臣同提調專委左丞朶兒只班及前都水少監任仁發董役得旨移文行省準擬疏治江淞省下各路發夫入役至二年閏正月四日畢工

泰定初開江復立都水庸田使司置石閘

道比年壅塞軍民官豪勢戶侵占水面插蒹葦復為蕩田以致水不通流遜年官民虧失大利由是中書奏命行省左丞朶兒只班知水利前都水少監任仁發董督常州湖州嘉興平江路江陰州與本府不論是何人戶實有納苗田土一項五十畝差夫一名計名四萬有奇每名日支口糧三升中統鈔一兩松江官糧廣濟庫撥鈔四萬錠內支放賜仁發銀一錠襖子二領始于是年冬十二月初五日以次年正月十五日訖工舊江三道比大德所開里數

三之二深濶如初大盈浦長二十五里一百六十丈與烏泥涇深一丈濶一十五丈仍令講究久遠不致淤塞三年任仁發等講議吳淞江等四處河道今已開通擬合啟閉附江達海分流支港于平江嘉定州之趙浦嘉興上海縣之潘家港烏泥涇三處各置石閘二座設官管領依時啟閉以過渾潮使閘內清水一歸於海衝演江道深濶渾潮不致傍流入江停滯淤塞去害就利以圖悠久之益合用工物夫匠口糧係官錢糧應付于是分派趙浦閘二座嘉定州城造潘家浜南閘一座上海縣造北閘一座崇德海鹽州合造烏泥涇南閘一座華亭縣造夫匠為工二十六萬四千七百七十二廩糧七千九百四十三石鈔二萬八千一百一十六錠各有奇逮天歷元祀詔謂自來殊無實效罷而復

至正初復立都水庸田使司浚江河

元年江浙行中書左丞言浙西水利廢弛

溝港堙塞民受重困莫若都水監官歲委一員分治浙右仍令各處農事正官帶知圍田署銜責任有歸官民兩便及監察御史言擬合復立都水庸田使司慎選諳曉水利格守官箴之人披按圖志討論舊治于必合開挑處所將額定租稅除轄合用工本官為支給使專其任責以成效由是肇工于是年之冬十月撈擁吳淞江北南下沙泥浚各閘舊河直道深濶府之西門外漕渠自秀野橋跨塘橋一段石湖橋五舍橋二段及張涇風波塘南俞塘北俞塘鹽鉄塘官紹塘盤龍塘蒲滙塘六磊塘石浦塘一十處河道若張涇自府南門外太平棚而至張涇堰長六十二里為夫一十九萬八百四十用糧四千七百四十七石鈔三千一百六十四錠各有奇者

明永樂二年導吳淞江入劉家河白茅塘浚黃浦由范家

浜入海初朝廷以蘇松水患為憂命戶部尚書夏原吉疏

治使侍郎李文郁大理少卿原復陝西參政宋性佐之尋

遣僉都御史俞士吉齋水利集賜原吉使講求拯治法而

華亭人葉宗行亦上言治水方略送原吉聽用原吉既得

請遂自崑山東南下界浦掣吳淞江水入劉家河挑嘉定

西顧浦引吳淞江水貫吳塘由劉家河入海浚常熟白茅塘引太湖諸水入揚子江於上海東北浚范家浜接黃浦

通流入海用宗行言也原吉疏畧浙西諸郡蘇松最居下流嘉湖常三郡土田下者少高者

多環以太湖綿亘五百餘里納杭湖宣歙諸州豁澗之水散注澱山等湖以入三泖頃為浦港埋塞滙流漲溢傷害

苗稼拯治水法要在浚滌吳淞諸浦港泄其壅遏以入于海按吳淞江舊袤二百五十餘里廣百五十餘丈西接太

湖東通大海前代屢疏導之然當潮汐之衝沙泥淤積屢浚屢塞不能經久自吳江長橋至下界浦約百二十餘里

雖云疏通多有淺窄之處自下界浦抵上海縣南隄浦口有百三十餘里潮沙壅障芟蘆叢生已成平陸欲即開浚

工費浩大且灑沙淤泥浮泛動盪難以施工臣等相視得嘉定之劉家河即古婁江徑通大海常熟之白茅港徑入

大江皆係大川水流峻急宜浚吳淞江南北兩岸安亭等浦港以引太湖諸水入劉家白茅三港使置注江海又松

江大黃浦乃通吳淞要道今下流壅塞難即疏浚傍有范家浜至南隄浦口可逕達海宜浚令深濶直接大黃浦以

達泖湖之水此即禹貢三江入海之跡俟既開通相度地勢各置石閘以時啟閉每歲水涸之時修築圩岸以禦暴流如此則事功有成於民為便上從其言命集民丁開浚

正統六年巡撫周忱治吳淞江忱親至江上立表江心盡去淤塞水得疏洩沿海諸

河以次浚治先是宣德時上海人杜宗桓上忱書獻開江方畧至是蓋畧行之

景泰二年松江知府葉冕築澱山湖堤計萬餘丈

天順四年巡撫副都御史崔恭浚大盈浦至吳淞江鑿江

自崑山下界口至嘉定莊家涇出舊江一萬三千七百丈

永樂初引淞江北入劉家浚蒲滙塘及新涇四千丈鑿曹

河江之東段未曾施工

家溝南抵新塲二萬丈廣皆十四丈深皆二丈浚六磊塘

鶯竇湖烏泥涇沙竹岡諸水通流入浦民感其惠因呼曹

家溝為都臺浦云董役者府通判洪景德華亭知縣石玟
上海知縣李紋

成化八年僉事吳瑄濬吳淞江凡一百三十里有奇

成化十年畢亨開吳淞江共一萬一千七百七丈

宏治元年僉事伍性濬吳淞江及顧會趙屯等浦

宏治七年工部侍郎徐貫巡撫何鑑開濬吳淞江并趙屯

浦鹽鐵塘等

宏治八年巡撫朱瑄洵三江濬下流殺湖水東洩之勢

宏治十二年松江通判原應宿濬崧子浦即今崧塘初用崧山

嘉定華亭上海四縣民力開治吳淞江上海分地自崧山縣界東至白鶴江復自嘉定縣界東至吳塘總四千餘丈

夫役二萬三千有餘給散銀米八千餘兩石犒賞旬至先是開常熟白茆河役上海九千餘夫糜三千餘米繼以吳淞兩年而三興大工當時頗有言者然十餘年無水旱之憂伊誰之力也

正德十六年巡撫李克嗣濬吳淞江

嘉靖元年工部郎中顏如環督同蘇州府通判孔賢開浚

趙屯大盈道謁等浦

嘉靖二年水利郎中林文沛濬泖澱山湖諸水及盤龍塘

崧塘

嘉靖四年水利僉事蔡乾濬青龍江

嘉靖二十三年巡按呂光洵督濬塘浦光洵疏畧一曰廣疏濬以脩瀦世蓋

三吳之地古稱澤國其西南翕受太湖陽城諸水形勢尤卑而東北際海岡隴之地視西南特高大抵高者田常苦

旱卑者田常苦潦昔人治之高下曲盡其制既于下流疏
為塘浦導諸河之水由北以入于江由東以入于海而
為引江潮流行于岡隴之外是以滌洩有法而水旱皆不
為患近年浦塘多堙塞不治惟二江頗通一日黃浦二日
劉家河然太湖諸水多而勢盛二江不足俱病而歲常告
隴支河又多壅絕無以資灌漑於是高下俱病而歲常告
災臣據各府所報河浦堙塞之處在下流者以百計而其
法當在要害者始先治灘山等處一帶菱蘆之地導引太
湖之水散入陽城昆承三泖等湖又開吳淞江并大石趙
屯等浦洩入山之注於江開七浦鹽鉄等塘泄陽城之水
洩於江又導田間之水悉入于大浦使流者皆有所歸而
滌者皆有所洩則下流之地治而滌無所憂矣於是乃濬
藏村等港以溉金壇溱溧等河以溉武進溧艾祁通波
以溉青浦濬顧浦吳塘以溉常熟之北二日修圩岸以固
之東浚許浦等塘以溉常熟之北二日修圩岸以固橫流
蓋四府最居東南下流而蘇松又居常鎮下流其水易滌
難洩導河浚浦引注於江海而每虞秋霖泛漲風濤相薄
則河浦之水逆行田間衝齧為患宋轉運使王純臣常令

蘇吳作田墾禦水民甚便之而司農丞郝亶亦云治河以
治田為本其說多可採行蓋吳下之田以圩岸為存亡設
今不治則坳沒日甚而農業日蹙宜令民間如往年故事
每歲農隙各出力以治圩岸高則田固雖有霖潦不能害
且制諸河水不漫行而咸歸於河浦則岡隴之地因江水
江之水高於海不待決洩自然湍流而岡隴之地因江水
稍高又得引以資灌漑蓋不但利於低田而已三日復
板閘以防淤引以資灌漑蓋不但利於低田而已三日復
急沙隨浪湧其勢易淤不數年即沮洳成陸昔人權其便
宜去江海十餘里或不啟以蓄其流歲澇為閘隨潮啟閉以
淤沙歲旱則閉而不利蓋謂此也宋臣郝僑亦云漢唐遺
其溢志稱置閘有三利蓋謂此也宋臣郝僑亦云漢唐遺
跡自松江而東至於海又自海而北至於揚子江又沿江
而西至於江陰界一河一浦大者皆有閘小者皆有閘臣
按郡志蓋與僑言合然多堙廢惟常熟縣福山閘尚存正
德間巡按御史謝琛議復吳塘等閘而不果今金壇縣議
復莊家閘江陰縣議復桃花閘嘉定縣議於橫瀝練塘鹽
鉄塘各置閘如舊臣訪諸故老皆以為便以是推之凡河
浦入海之地皆宜置閘然後可久而不壅不獨數處為然
也四日量緩急以處工費夫經畧得宜則事易集施為有
奇甫係志 卷六 水利

漸則民不煩往歲興作皆并役於一時是以功未成而財力告匱為今之計宜令所在有司檢勘某水利害大某水利害小某水最急某水差緩其最大而急者即今歲修之次者明年修之其次者又明年修之則興作有序民不知勞而工費之次亦可先期而集矣但今歲時荒歉公私俱細既不可加歛於民而內帑又不可望乞將見查節年未完錢糧解大戶侵欺者督令有司設法清追自嘉靖二十二年以後者照舊起解二十一年以前者量支十餘萬兩存留在官畧做宋臣范仲淹以官糧募饑民修水利之法行令有司查審應賑人數籍其老病無力者為一等壯健有力者為一等無力者日給米一升聽其自便有力者日給米三升就令開濬通將前項官銀及賑濟錢穀一體通融給散各令造冊查考則官不徒費民不徒勞所為一舉而兩利者也以後年分每於農隙各自募民興作至次年二月而罷其費用皆取於侵欺不足則繼之以贖贖大約三年而止通計所費不過二三十萬而水利大治矣夫計利害者必權其輕重四府所入歲不下數百萬而今年一遇災傷放免即三四十萬他日流亡逋負不能追徵者又不知幾十萬以疏浚之費准其凶荒陰耗之實其孰得孰失孰多孰寡皆不待較而知也五日重委任以責其孰成功夫

論事非難而建事為難建事非難而成事為難臣嘗仰稽先朝大臣奉命經理吳中者數十餘人其有功於水者殆亦不過數人惟正統間巡撫侍郎周忱功効最著吳民至今思之夫忱之才固有過人者蓋先朝委任特專而歷年又久故忱得以歲月盡行其志近年江南數被水患輒遣大臣疏治多欲以歲月成功故雖賢者亦不暇為遠慮此臣所謂成事之難也臣願申明先朝委任周忱事例特敕撫臣務長久之計凡一應錢糧夫役與夫疏濬經畧之宜工緩急之序聽其以便宜從事而責其成功焉其府縣有司官員凡遇陞遷行取給由者皆必考其水利有功方許離任其遷延玩愒及處置乖方費財而債事者仍聽臣隨事糾治以懲不恪如是則事有定規人有定志而成功可期矣此五者治水之要也然臣又有三患焉臣聞群志難集浮言易興是以事每阻於旁撓功多毀於垂成臣竊志難集必游揚其說以為興作不便此臣之所患者一也工役之費出于侵欺而善侵者類多豪滑憑藉根連堅不可破臣常廉治二十餘人而有司者皆畏其口語莫敢窮究今欲悉治其類而清之必游揚其說以為興作不便此臣之所患者二也郡縣有司咸受約束而責以成功其志在生民

者固皆欣然樂于從事其因循觀望隨俗俯仰以規速化者亦必游揚其說以為興作不便此臣之所患者三也臣愚以為屏此三患而後五事之功可成也光洵再疏臣照得蘇松水利乃國家財賦之源生民衣食之本該臣奏乞修理節該工部題奉欽依咨劄到臣依奉會委松江府同知靳學顏常州府通判黃潯蘇州府嘉定縣知縣張重分詣原議應濬河港及應造閘堰等處地方逐一查勘得太湖州常熟崑山等縣七鴉浦白茅塘等河港凡三十二所鹽鉄許浦等閘凡一十五所工費繁多俱應官為開造其所新港等河凡三百九十七所大小雙塘等堰壩凡三十入所工費差小俱應民自開造石浦等河凡八十七所工費大小不等俱應官民合力開浚臣為照內開江陰縣桃花港青浦縣通波塘艾祁浦金壇縣赤岡白劉等河俱埋塞已甚勢不容緩且工費易集隨各委官督率開濬見底功成其餘各縣相應疏治之處雖一時未能集事而各官查勘已明咸著圖冊較然可考其累歲積遺如原派導河夫銀及存留撥剩各項銀米撫按司府州縣以及各衙門賦罰與應解錢糧堪以那借久為豪猾所侵者不啻數十餘萬已經委官清查造冊各有可稽之數若使有司諸臣奉公體國按籍而行之則底績之期可指日而待也而議

者或以旱潦相仍公私俱匱不宜興作此皆習于玩愒未睹利害之原者也夫旱潦相仍正由水利埋廢若復因循不治則旱潦之災日甚一日而東南之民終無安飽之期矣且臣愚計本欲量度緩急順其時勢以漸為之即如今歲災侵民窮則量發在官糧米募民不能自食者開浚支河因寓賑施之法若二三幹河則稍俟年豐追理逋賦大集財力然後治之隨事擇便而不并役于一旦此無不可為之時也其所役之人各因其水之所利而用之利在鄉即役一鄉之民利在一縣即役一縣之民利及旁縣者則旁縣助之利及旁府者則旁府助之凡召募工役之費皆官為會計條畫而無追呼拘迫之煩此無不可役之人也若夫疏濬之法又皆因其自然求其故道而已初非鑿山堙谷壞田園毀廬墓創為決裂難行之事以拂民之所欲此無不可成之功也夫以無不可為之時用無不可役之人圖無不可成之功是宜朝議而夕報也而事顧有不然者何哉委任責成之道未至也臣嘗稽之故籍自唐宋以來三吳之民咸擅水為利當時所設治水治田之官甚具至我國家財賦仰給東南而三吳尤為重地永樂初御水溢為苗害成祖文皇帝特命尚書夏原吉治之又遣都御史俞士吉齎水利集以賜原吉其專且重如此在正統

時則侍郎周忱治之在景泰天順時則侍郎李繁都御史
 崔恭治之在成化宏治時則都御史何鑑治之皆以專任
 成功至正德時撫臣李充嗣兼理水利亦奉璽書從事故
 近世治水諸臣惟充嗣最為有功皆委任責成之效也近
 年以來故道漸堙先後建議之臣每以水利為言幸蒙聖
 上采擇輒下該部議其可者下之撫臣撫臣下之府縣其
 議論甚悉行移甚備而府縣有司類多視為常談漫不加
 省即有加省者亦不過舉一二易行者畧加疏治以塞責
 應令銷繳勘劄而已固未有實意為民興利祛害以圖久
 遠之功者言者雖勤亦何益哉近蒙皇上俯納臣言特命
 撫臣丁汝夔舉行自春徂秋數月之間堙廢漸舉三吳千
 里之內萬民引領企足以望大功之後今汝夔欽陞協管
 院事不日將趨赴闕廷臣恐離任之後一時有司仍踵故
 習樂於因循凡應濬之水勘計已明者輒罷而不治而積
 負宿逋清查在籍者復從而無理隙垂成之績廢可期之
 功不惟臣犬馬微忠無以自效而我皇上勤民重本之意
 亦壅而不行矣此臣所以夙夜拳拳不能自已者也伏望
 皇上俯念財賦重地特賜璽書一道專責令巡撫都御史
 查照該部節題事理及臣委官查核相應疏治之處親行
 相視量其緩急度其時宜計其經費督民授以方畧使之

如法循治無奪於浮議無急於近功期以三年畢事如果
 經理得宜勤勞懋著乞照先臣周忱等故事量兼部堂職
 銜仍留在任督理必俟堙塞盡闢水無遺利然後不次召
 用仍責巡按御史每歲親歷工所檢勘工程及查任事各
 員分別勤惰通行奏報則事有責成人有
 定志玩愒之弊可祛久大之功可致矣

隆慶四年巡撫海瑞濬治吳淞江

嘉靖末年淞江堙塞夷
 為平陸屢經具題止因

工程浩大輒復停止至隆慶四年海瑞巡撫江南奮然有
 志以身獨任借支車餉及調取賑濟贖及導河夫銀無
 礙銀委松江同知黃成樂上海知縣張嶺刻期開濬查核
 舊蹟自黃渡起至宋家浜口共長一萬一千五百七十一
 丈濶三十餘丈今議減半開河面一十五丈底濶七丈五
 尺深一丈五尺六寸共計用工食銀五萬餘兩是歲大饑
 小民思盜自河工一興畚鍤雲集不兩月而告成百姓至
 今尸祝之瑞請濬吳淞江疏吳淞江盡洩太湖之水由
 黃浦入海近年以來水利臣曠職不修撫按亦不留心潮
 泥日積通道填淤太湖因之奔湧四溢勢所必至是吳淞
 一水國計民生攸賴修之舉之不可一日緩也臣於舊歲
 十二月巡歷上海縣旋委上海知縣張嶺率領沿江父老

按行故道量淤塞當浚地長該一萬四千三百三十七丈
 二尺原江面濶三十丈今議開十五丈計該用工銀七萬
 六千一百二兩二錢九分今議開二麥未布方春正月米每石
 價銀已入錢五分矣饑民動以千百告求賑濟臣已計將
 節年導河夫銀臣本衙門贓罰銀兩各倉儲米穀并深陽
 縣鄉官太僕寺少卿史際義出賑濟穀二萬石率此告濟
 饑民按工給與銀穀於今正月月初三日按江故道興工挑
 浚委松江府同知黃成樂督率上海知縣張嶺嘉定知縣
 邵一本分理興工之中兼行賑濟千萬饑民稍安輯矣但
 工程浩大銀兩不敷饑饉頻仍變故叵測官儲民積計至
 二月間盡矣江南四面皆荒湖廣江西為有收成府縣又
 執行閉糴無從取米伏望皇上軫念民饑當恤吳淞水道
 國計所關勅下該部酌議量留蘇松常三府漕糧二十萬
 石准照前旨銀數改折凡應天等十一府州縣庫貯不拘
 各院道諸臣項下無礙贓罰銀兩聽臣調用浙江杭嘉湖
 三府與蘇松常三府共此太湖之水吳淞江開則六府均
 蒙其利塞則六府同受其害其庫藏銀亦如應天等府一
 例取用彼處饑民亦聽於河工就食吳松借饑民之力而
 故道可通民借銀米之需而荒歉
 有濟一事兩利地方不勝幸甚

萬曆六年巡江林應訓開吳淞江

應訓疏畧今日所最急者蘇郡莫先於吳淞

江而吳江則其來源也在松郡莫先於黃浦而山涇港秀
 州諸塘乃其來源也太湖入海其道有三東北由劉家河
 入海即古婁江東南由大黃浦入海即古東江其中為吳
 淞江經崑山嘉定上海青浦四縣界入海乃太湖之正脉
 比之河浦尤為要害今河浦皆通而中江獨塞者蓋江水
 之流與海潮遇海潮渾濁來則洶湧其勢莫禦去則遲緩
 其泥易淀所賴江水迅駛而衝滌之耳劉家河獨受巴陽
 諸河之水又有新洋江下界浦諸水從旁注之黃浦總會
 杭嘉二郡之水又有澱山柳蕩諸水從上灌之是以流皆
 清駛足以敵潮雖有渾濁不能淤也惟吳淞江不然其源
 出於長橋石塘之下經龐山湖九里湖而入今長橋石塘
 二處則堙塞矣龐山九里二湖則灘漲矣其來已微又其
 中為新洋江下界浦等處掣其水以入劉家河其勢益弱
 其與潮遇也安能勝其洶湧而滌其濁流耶前任巡撫海
 瑞破群議開之幾八十里遂使兩傍居民漸歸故土積荒
 之地近皆播種人至今尸祝之臣今看得自艾祁至崑山
 漫水港六十餘里急當開濬覆經丈計土方實該工食銀
 四萬五千七百三十九兩有奇此江一開則太湖之水直

入於海歲或淋潦可免汎濫而就中傍江河渠得以引流
 溉田將來青浦等一帶積荒之區俱可墾種成熟矣黃浦
 西南受杭嘉二郡之水西北受澱泖諸蕩之水總會於浦
 入海方今黃浦洪流滔滔無庸議矣夫江自江浦自浦如
 兩人足各無疾痛則各自伸縮原不相妨今懼江之開而
 浦之塞者是必入浦之路有所礙也若自澱山湖分流入
 浦一帶溼港凡有淤淺之處并為疏濬則兩利俱存矣臣
 今看得自黃浦黃潦涇經秀州塘入南泖至山涇港等處
 急應開濬覆經丈計土方實該工銀三萬六千一百一十餘兩
 此河一開則雲間西來之水無所阻滯而黃浦之流為益
 快田間溝洫皆可旁達以資灌溉之澤矣

萬曆十年通判劉師召修濬河塘并築澱泖等隄岸

萬曆十五年以吳中歲遭水患奏請特設水利副使一員

專管江南水利駐劄松江是歲以河道副使許應達治河

修治費應達首自吳淞後及支幹似有次第成算然開濬未幾而江流阻塞幾於斷流豈氣數之偶然抑人為之未

盡與其故蓋不可知已

萬曆三十六年巡撫周孔教檄修圩岸

天啟元年卓邁濬走馬塘長三千九百丈

天啟六年青浦知縣鄭友元督治圍田青浦自水災後低鄉田畝日窪友元

令業主出米佃戶輸力分大圩為小圩界長圩為短圩便於戽救傍邑傳以為式

崇禎三年青浦知縣朱錫元濬城內河市河長一百二十一丈

崇禎四年松江知府方岳貢濬盤龍鹽鐵等塘

崇禎五年巡撫莊祖誨濬蒲滙塘四千八百餘丈築泖塘

澱湖岸二千八百餘丈

崇禎七年巡撫祁彪佳濬蒲滙塘

本朝順治初年巡按秦世禎檄濬潘龍蒲滙諸塘

康熙十一年布政使慕天顏主浚吳淞江巡撫馬祐從其

議入奏

聖祖仁皇帝發帑疏濬浙省杭嘉湖協餉共濟疏闢吳淞

中段一萬一千五十餘丈

雍正五年副都御史陳世倌在籍承

命興修東南水利再濬吳淞

王之綸重浚吳淞江記吳淞江係三江之一三江者申浦

為東江劉家河為婁江吳淞江為中江中江承流於震澤而震澤乃江浙具區也中江通則兩省蒙其利不通則六

府受其害康熙十一年聖祖皇帝發帑疏浚維時合蘇松常三郡起工浙省杭嘉湖亦撥餉協濟五十年來水無旱潦之虞者此也今

天子御極之四年適霖雨泛濫

聖心愷惻念江浙為水鄉亟謀濬治江撫陳時夏奏請劉

家河次白茅塘泊吳淞江

欽命陳世倌鄂爾奇二憲督成五年春劉家河工竣隨檄

令嘉定上海青浦暨新分寶山南匯福泉西自閔家渡至

野鷄墩河底重深三丈河面闊廣一十八丈計里三十有

六每縣該夫五千本縣照圖攤派每圖里差承值塘長僱

募一夫濬工兩方給帑一兩八錢冬仲赴工歲除未竟

皇仁憲德體卹周至暫釋寧家獻歲三日後赴河終事旋

以野鷄墩東陳家渡止十有二里許復檄嘉上福寶四邑

就役而南青不與焉一夫浚土尺餘給帑六錢八分業主

藉貼飯食

屠慮周詳毫髮無遺矣仲春中浣畚揭具興詎三月十八

日壩忽決松江太守周中鉉捐俸復築壩又決周溺水死

把總達某隨之奉旨議卹越數日陳鄂二憲與巡撫親履河干督成前壩吾

三尺名曰小河以積泥水防淤淀也每丈不過一錢六月
管工官薛促築東西兩段馬路每夫繳銀八分而工遂成
總河題達

天顏有喜謂齊能藏其事余既觀縷其事而系以頌日維
茲中江震澤是通
一人眷注六縣程功

上發其帑下承其風沔彼流水
於海朝宗金湯鞏固萬國來同

乾隆九年巡撫陳大受濬浦滙塘

乾隆二十二年知縣魏永安詳濬蒲滙塘三十餘里奉憲
與華婁上三邑分段築壩循例業食佃力一體償開

乾隆二十八年巡撫莊有恭濬吳淞江
任時適上年秋雨稍多風潮稍大湖河水漲時越二旬退
不盈尺親赴嘉湖一帶周遭察核知由水歸太湖之路不
暢並疑下游歸江歸海之路亦或有壅淤會遣浙員來江
查勘究以事在隔省難得確切因先將浙省通湖漚港必

如何大加開浚不至積水難消飭行司府籌畫議詳曾經
恭摺奏明正議舉行臣又適蒙
恩命調撫江蘇經浙閩督臣楊廷璋撫臣熊學鵬用臣前
議請將湖州府屬之七十二澗酌用民力以時疏濬奏奉
允行並於摺內聲明江南之寶帶橋係太湖出水之處有
無淤塞應否疏浚咨臣查明自行辦理等因抄錄原摺咨
移到臣惟是臣自上年冬受事即為博訪周詢并遴委留江
効用原任知縣張世友等遍歷蘇松太各屬確勘由湖歸
江由江歸海之路窮源竟委循幹達支將何處壅閼應與
開寬何處淤淺應加深浚並為酌估需費茲據陸續繪圖
開摺前來臣綜覽全局竊見太湖居蘇常湖三郡之中北
受荆谿百瀆南受天目諸山之水滙為巨浸而分疏之大
幹則以三江為要三江者吳淞江婁江東江也東江自宋
已湮逮明永樂間開黃浦江寬濶深通足當三江之一故
今亦謂之東江此三江之分流交錯經吳江震澤吳縣元
和崑山新陽青浦華亭上海太倉鎮洋嘉定十二州縣之
境其間港浦縱橫湖蕩雜錯大槩觀之無處不可通流無
地不可分洩似亦可安於無事然百節之通不勝一節之
塞數港之洩不及一港之用則其勢必有所阻查太湖出
水之口不特寶帶橋一處其他如吳江之十八港十七橋

水利



吳縣之鮎魚口大缺口為湖水穿運入江之要道亦不無
 淺阻又如入吳淞之龐山湖大斜港九里湖澱山湖激浦
 等處向稱寬濶深通大資宣洩者邇來民間貪圖小利遍
 植菱蘆圍築魚蕩亦多所侵佔臣本年正月因查勘蘇松
 太湖塘親至劉河竊見現在河形亦大非昔比舟楫來往
 必艱舟待潮至劉河竊見現在河形亦大非昔比舟楫來往
 門外河為江源崑山外濠為婁江正道淺狹特甚蘇州之婁
 時無事雖若無甚關礙偶遇秋霖四水匯集江身淺窄先
 為本境之水所佔必俟境水稍退然後湖水利民生大計
 送而上海之事多所漫淹矣東南財賦重地水利民生大計
 若及早治之湖出而功寔倍今臣籌所以治之之法其運
 河為之清釐估塞規仿舊額務使分流得以迅速無阻其
 運河以東三河故道除黃浦為浙西水口現在尚屬深通
 但於河口挑除新漲蘆墩三處足資暢通凡有洩狹阻滯
 吳淞江自雁山湖以下婁江自婁門以下凡有洩狹阻滯
 處相度情形疏浚寬深務與上源所洩之數足相容納其
 江身中段一切植蘆插籬及冒佔水面之區查明儘數剷
 除嗣後仍嚴為之禁則水之停蓄有處傳送以時並即
 挑河之土俾令如培圩岸再將現在開座為之經理其有
 去海太近建置非宜難于啟閉者另為酌量改移務令啟
 閉得宜足資蓄洩庶渾潮不入清水盛強而海口之淤亦
 將不挑而自去凡此應辦之工臣與司道再三籌酌業已
 粗具規條第工段較長酌畧佔計所需雖覺浩繁然散在
 十二州縣通力合作實亦所出無多此本為利益田疇起
 見如興舉有成無論業佃皆得永利賴民間聞有此舉
 皆樂於趨事願以民力為之但用民之力慎選董事分段
 督修仍需官董其成且工費較繁若待鳩集財力而後興
 工不無稍稽時日仰懇
 皇上天恩准于公項內先行借動酌籌辦理于蘇松太三
 屬得沾宣洩灌漑州縣分年按款照畝計數徵還則民大
 既紓大工可期速集如蒙
 恩允臣當親率道府大員再加覆勘確估實需數目立定
 章程另行具摺奏聞並即于今冬漕務事竣以次開工務
 於二三月間通工藏事則東南億兆咸感沐
 皇仁於無既矣適督臣尹繼善以秋審來蘇臣與面為商
 酌尹繼善復因赴松江太倉等處閱兵之便道途所經察
 勘吳淞江婁江情形彼此意見相同謹會同恭摺具奏伏
 祈
 聖明訓示施行奉

青浦縣志 卷六
三
硃批如
所議行

按蘇松太三屬田疇水利民命攸關必須永計安全而吳淞江尤爲咽喉宣洩之所我

國家自順治康熙雍正年間歷次疏濬迄乾隆癸未三十餘年矣其自湖達江由江歸海之途日漸淤塞巡撫莊公於乾隆二十八年奏請借帑開濬并酌頒規條各屬遵辦勘明一律深通無偷減草率情弊是以長洲元和吳縣吳江震澤常熟昭文崑山新陽婁縣上海等處無不永資樂利而青邑地形如釜尤荷安全通用土方夫工銀二十二萬一千六百餘兩按田派

徵還欸青浦田地及蕩共七十一萬一百七十九畝二分照每畝二分二釐零分派應完銀一萬五千七百八兩九錢九分八釐零分三年帶徵每年完銀五千二百三十六兩零費省而利溥謀定而事成實足永垂不朽也查核定規條一云委府佐督辦以便稽核也一云估計造冊應檄委專員協同地方官核實辦理也一云應濬工段宜先釘椿牽繩量定也一云宜彙核總冊設局專辦也一云募夫應照業食佃力之意酌僱應役也一云督工應責成委員以防偷減也一云散給夫銀應責成地方官并須明白曉諭以

免扣短也一云工程銀兩請照河工九五例給發扣
 平以資飯食公用也一云計方派工寓寬郵於定限
 之中以裕夫工以速浚事也一云河水耳乾宜先開
 水線收束積水以便挑竣查驗也一云挑河人夫應
 按段分工以專責成以分勤惰也一云嚴禁包辦工
 段以防侵逃偷減也一云挑起之土應堆貯新岸十
 丈之外以防淤積也一云夫價應照南河則例乾土
 每方八分水土每方九分五釐也一云築壩守壩應
 專委地方官辦理也一云築壩應看水勢緩急辦理
 合法庶堅固以保鉅工也一云工竣驗明開壩應先
 安置挑壩餘地也一云收工宜分別等第以示勸懲
 也一云

硃批奏摺及辦理章程并計方僱夫給價各緣由應彙例
 一冊刊刻分發俾家喻而戶曉也以上各條可為詳
 盡治水之法不越乎此邑中遇有開濬事宜皆可照
 此辦理故觀縷及之

乾隆二十八年開黃渡越河黃渡鎮屬嘉定縣鎮之南岸屬青浦跨江有東西二渡橋
 江行至此稍曲兩岸民居稠逼江面被侵僅寬十丈餘又
 為兩橋所束疏闊難施是鎮西從懷浦迤北而東復南旋
 而下至許家港今從懷浦取直至許家港另挑越河一道
 吳淞腰腹不至受拘避紆就徑水勢尤暢挖廢田畝視崑
 新越河一例佑直給價鎮河淤淺居民自願於大功竣後
 合力深挑照現寬河面勒石永禁侵佔是河工長六百
 水利

四丈面寬十二丈底寬六丈浚深一丈五尺計挑乾土四萬二千七百五十九方零水土四萬四千二百八十七方零估銀七千六百二十八兩七分零用夫三千一百九名四十日完工 挖廢民田一百四十五畝九分九釐六毫照直給價每畝八兩共給過銀一千一百六十七兩九錢六分零 挑工壓佔田二百一畝三分三釐三毫每畝給償春熟銀一兩令其運平播種共給過銀二百一兩三錢三分零

按黃渡鎮前河身曲折蜿蜒向係之字形今自巡撫莊公委員勘挖越河勢順而流速頻年秋汛水無停壅樂歲頻登惟是黃浦潮水冲刷日久兩岸必致崩坍其底不無積淤聚沙之患在長民者未雨綢繆將內河小港逐一疏濬深通庶可有利而無患至鎮河淤淺當時鎮民自願合力開挑及大功竣後又皆畏

難苟安聽其淤淺旱則乾霖則潦督率而疏濬之又不可緩矣

乾隆四十二年巡撫楊魁疏濬蟠龍蒲漚二塘松江府知府張廷柄荒苗免派浚河碑記為繼紆民力等事乾隆四十二年二月二十八日奉布政使曾 此發青浦縣生監湯在崗王觀國等呈詞內稱青邑荒苗地勢低窪每歲春和大興圩岸奉憲定免塘工雜役勒石永遠去冬興舉蒲漚塘工經承並將荒區送派經士民馬健行等控縣掣免該承派詐不遂復以荒濬承濬蟠龍江道刻令圩岸票催修築塘工文飭開挑荒苗止此民力圩岸塘工不能兩顧而蟠龍蒲漚漚自可分年叩賜飭免等情奉批此案前據該縣撥照乾隆十年成案請將三十八保等苗一體派辦業經批飭該府速議詳奪今據該士民等呈稱該苗有應業圩岸不能兼顧仍請分年辦理是否可行仰松江府確核情形刻即議詳察奪到府經署守林 轉飭該縣查議嗣據青邑前楊令詳稱業經勸諭該保協力挑竣旋經陞任前府蘇檄弔乾隆十年舊卷到府存核續據湯在崗王觀國楊德

芳張位高等呈稱縣丞陸秀林將未浚各保捏註十年卷內并將實在承浚畝分抽匿卷縫原編現已改花上壅憲恩下重民困等情控奉布政使增批仰候飭催該府速即議詳察奪毋任經承熨混干咎等因到府隨經前署府會議得嗣後蒲漚蟠龍兩河如勘有淤淺應請分別緩急遞年次第開挑毋庸再令同時並浚致煩民力所有蟠龍江即循蒲漚之例歸于熟畝派挑惟查荒畝內如有寔在獲沾此河水利者亦未便聽其藉詞規避自應徹底清出飭令一體協浚方為公允其餘不沾水利之荒圖即不得任聽經胥牽混派撥應即飭縣秉公查明應浚熟畝若干係某某等處獲沾水利之荒畝應協浚者若干係某某等畝分別開造清冊取具應浚各畝耨業者若干係某某憲示俟奉准後仰令勒石公所永遠遵守以杜日後混派滋擾等情詳奉布政使增批查此案續據湯在崗等赴司呈控縣丞抽匿舊卷改花舞弊情由業經另檄該署府司卷確核妥議同卷詳送察奪在案未據遵照辦詳仰照另檄立速弔卷確核嚴究縣承有無抽匿舞弊確情同卷詳送察核仍一面查明從前荒區頂修圩岸原案碑摹由府核明應行勒石各畝造冊取結呈送以憑轉詳院示飭遵毋得舛混並候巡道批示繳等因奉巡道憲陳批開

據詳青邑蟠龍塘河雖經勸令四十九保等荒區協浚完浚但該畝向有免派之案將來固未便援以為例而該畝內如有實沾此河水利者亦難任托名荒畝概行免派自應分別查明酌定章程勒石遵守仰即飭查實在獲沾水利傍河區畝開造確冊妥議詳奪毋任經胥熨混干咎仍候藩司批示錄報繳等因到府隨又飭據青邑詳送荒區原案碑摹及免浚區畝確冊到府又經前署府會覆議勒石永遠詳奉布政使增批加看轉詳乾隆四十二年四月十八日奉布政使增牌開奉閣督部堂高批本司詳青浦縣蟠龍塘河已據該縣勸令三十八保等各畝捐浚完工但該保等各畝既係荒區似未便援以為例應請俯如該府等所議將從前碑載頂修圩岸免派浚河各畝准其照案逐一開明勒石永遠免其復派浚河以杜擾累其熟區畝分不得混入荒區致滋弊漏嗣後蟠龍塘蒲漚並舉又滋混派其蟠龍一河即循蒲漚塘之例歸于熟畝派浚至蟠龍塘之旁畝并獲沾水利之荒區共有四畝應令一體協浚此外不沾該河水利之各保荒區各畝仍聽頂修本畝各圩母再混派滋事除飭取碑摹冊結送司轉呈立案外是否有當詳候鑒核批示以便轉飭遵照至縣



承抽匿卷宗改花舞獎一節業經批令訊擬明確另行核
 詳等緣由奉批仰卽如詳飭遵並取碑摹冊結呈送備案
 餘已悉仍候撫部院批示繳等因又奉蘇撫部院楊批
 如詳飭遵仍卽飭取碑摹及荒熟區冊結送查毋任紛
 更滋弊至縣承抽匿卷宗改花舞獎明有派擾侵漁情事
 並速飭府嚴訊究擬詳報察奪母遲並候閣督部堂批示
 繳等因到司轉飭到府續奉布政使增候行四十九保
 熟區冊分不得混入致滋弊漏等因除遵奉各憲批示飭
 縣遵照並將舞獎陸秀林究擬外相應照案逐一開明勒
 石永遵照嗣後蟠龍塘蒲滙塘兩處如勘有淤淺分別緩急
 次第開挑毋庸再令同時並浚致煩民力其蟠龍一塘卽
 循蒲滙塘之傍畝並獲沾水利之荒畝共有四畝應令一
 體協浚此外各保荒區母任經胥再行
 混派侵漁滋擾並定章程以垂永久

計開應浚傍塘熟畝

三十四保一區東六八畝 西六八畝
 三十五保一區念六七畝

獲沾水利之荒畝

三十三保一區二畝

荒畝免浚畝分

三十八保一區十三畝	念八畝	念九畝
三十九保一區	三十一畝	三十二畝
四十保一區	三十三畝	三十四畝
四十一保一區	三十六畝	三十五畝
四十二保一區	念四畝	念五畝
四十三保一區	念九畝	念六畝
四十四保一區	念八畝	念七畝
四十五保一區	念四畝	念三畝
四十六保一區	念四畝	念五畝
四十七保一區	念九畝	念六畝
四十八保一區	念四畝	念三畝
四十九保一區	念四畝	念五畝
五十保一區	念九畝	念六畝
五十一保一區	念四畝	念三畝
五十二保一區	念四畝	念五畝
五十三保一區	念九畝	念六畝
五十四保一區	念四畝	念三畝
五十五保一區	念四畝	念五畝
五十六保一區	念九畝	念六畝
五十七保一區	念四畝	念三畝
五十八保一區	念四畝	念五畝
五十九保一區	念九畝	念六畝
六十保一區	念四畝	念三畝
六十一保一區	念四畝	念五畝
六十二保一區	念九畝	念六畝
六十三保一區	念四畝	念三畝
六十四保一區	念四畝	念五畝
六十五保一區	念九畝	念六畝
六十六保一區	念四畝	念三畝
六十七保一區	念四畝	念五畝
六十八保一區	念九畝	念六畝
六十九保一區	念四畝	念三畝
七十保一區	念四畝	念五畝
七十一保一區	念九畝	念六畝
七十二保一區	念四畝	念三畝
七十三保一區	念四畝	念五畝
七十四保一區	念九畝	念六畝
七十五保一區	念四畝	念三畝
七十六保一區	念四畝	念五畝
七十七保一區	念九畝	念六畝
七十八保一區	念四畝	念三畝
七十九保一區	念四畝	念五畝
八十保一區	念九畝	念六畝
八十一保一區	念四畝	念三畝
八十二保一區	念四畝	念五畝
八十三保一區	念九畝	念六畝
八十四保一區	念四畝	念三畝
八十五保一區	念四畝	念五畝
八十六保一區	念九畝	念六畝
八十七保一區	念四畝	念三畝
八十八保一區	念四畝	念五畝
八十九保一區	念九畝	念六畝
九十保一區	念四畝	念三畝
九十一保一區	念四畝	念五畝
九十二保一區	念九畝	念六畝
九十三保一區	念四畝	念三畝
九十四保一區	念四畝	念五畝
九十五保一區	念九畝	念六畝
九十六保一區	念四畝	念三畝
九十七保一區	念四畝	念五畝
九十八保一區	念九畝	念六畝
九十九保一區	念四畝	念三畝
一百保一區	念四畝	念五畝

四區八畝
 四十六保二區三八畝
 三區一畝
 四區九畝
 二畝
 三畝
 五十保三區二併十一畝
 七區七併十三畝

乾隆四十三年知縣黃潼鯉疏濬城內各河

乾隆四十四年公濬珠街角市河

乾隆五十一年署知縣黃玉瑚奉憲派濬黃渡鎮吳淞舊

江接任知縣黃映庚濬竣

自乾隆二十八年巡撫莊有恭奏請開濬吳淞江於黃渡鎮南

青界另開越河之後二十餘年幾至淤塞成陸一切鹽艇市舶出入不通而農田亦無由厚灌此係嘉青兩邑交界跨江成市之地乾隆五十一年嘉定紳士金襄金壽等具呈巡撫飭令按地派濬照業食佃力之例計畝募夫得以會同疏濬民課兩便

計開

通長九百十三丈五尺核計土方六萬一千七百四十一方七分一釐內嘉邑分濬七百七十五丈計土四萬八千四百三十五方青邑分濬二百二十二丈七尺五寸計土尺五寸計土一萬三千三百六方三分三釐五毫

青浦縣志

卷七

田賦

上

青浦建縣於萬歷初年承周文襄加耗折徵鄭僉事
 分鄉定則之後兩番調劑重賦之困民獲稍甦然土
 地卑瘠戶鮮蓋藏蕪田逋賦仍復不免其後因事加
 徵事已不革重以徭役繁苦罄竭富民明之未造至
 有棄田券於道而莫之敢拾者

大清御宇照萬歷年科則定賦悉除無藝之征而力役均
 諸田畝民慶更生嗣又疊奉

恩詔減浮糧白糧并蠲坍荒田蕩百餘年來野無曠土戶

無逋糧皆由

聖德高深隨時損上以益下也按籍而稽屢異舊額今以乾隆四十三年賦役全書現行定額列於前繼以歷代賦法終敘

列朝蠲免至如巡撫韓公世琦湯公斌兩疏可爲太息流涕者採著其中以備良有司省覽而歷代規制并附見焉

田數

華上華中海上海中四鄉寔在田地山蕩漚共八千五十二頃二十二畝五分八釐三毫九絲折熟田七千五十二頃九畝八分六釐五絲內

華上鄉徵糧田地山蕩漚一千八百五十一頃四十八畝五分三釐六毫三絲共准熟田一千七百六十八頃一十畝九分四釐二毫二絲六忽

華中鄉徵糧田地山蕩漚四百三十四頃三十七畝五釐共准熟田三百六十四頃四十九畝九分九釐三毫三絲九忽

海上鄉徵糧田蕩九百九十四頃二十畝九分一釐七毫共准熟田八百九十頃九十分八釐八毫三絲

海中鄉徵糧田山蕩漙三千三十五頃七十三畝四分
 三釐六毫八絲八忽二微七纖共准熟田二千五百
 四十三頃二畝八分二釐四毫六絲五忽七微二纖
 五沙

華中鄉折糧田山蕩漙八百四十七頃五十八畝三分
 一釐八毫六絲共准熟田七百三十三頃二十八畝
 二分九釐四毫六絲七忽

海中鄉折糧田蕩八百八十八頃八十四畝三分二釐
 四毫九絲一忽七微三纖共准熟田七百五十二頃
 二十六畝九分一釐七毫二絲二忽二微七纖五沙

賦額

四鄉田山蕩漙計共折實十二則共科平米二十一萬三
 千四百八十七石四斗八升二合九勺二抄七撮五圭內
 徵糧平米十七萬七石八斗八合八勺五抄一撮有奇
 折糧平米四萬三千四百七十九石六斗七升四合有奇
 實共科徵本色米七萬六千七百八十二石五斗三合五
 勺遇閏加徵局恤米三十二石四斗六合八勺減征米一
 百五十四石七斗六升一勺

實共科徵折色銀八萬六百五十一兩八錢六釐遇閏減
 編漙贈十銀除原坍蠲缺外實減編銀一十五兩四錢四
 分增徵地漙正銀內坍荒減蠲銀閏月銀灰石等銀共五

百二十四兩六錢四釐

徵糧項下

華上鄉田蕩共科平米六萬四千四百六十石六斗八升三合七勺三抄一撮五圭內

熟田低薄田山新荒田舊荒田五項共科平米六萬四千一百一十三石九升八合二勺有奇實共科徵本色米二萬八千九百五十六石一斗六合三勺遇閏以增抵減外實減米四十六石一斗四升一合七勺

折色銀二萬一千七百一十六兩三錢二分一釐遇

閏以增抵減外共增徵銀一百三十四兩七錢二分三釐

攤徵人丁銀一百八十六兩五錢七分六釐遇閏增徵銀五兩八錢一分四厘

攤徵雜辦銀二十五兩五錢二分二釐

得業蕩柴蕩草蕩水漚三項共科平米三百四十七石五斗八升五合五勺八撮實共科徵

本色米一百五十六石九斗八升三合九勺遇閏以增抵減外實減米二斗五升二勺

折色銀一百二十一兩四錢四分九釐遇閏以增抵

減外實增徵銀八錢七釐

攤徵人丁銀一兩二錢三分一釐遇閏增徵銀三分八釐

攤徵雜辦銀一錢六分八釐

華中鄉田蕩共科平米一萬一千六百五十三石一斗一升八合九勺六抄七撮內

熟田低薄田山新荒田舊荒田五項共科平米一萬一千四百八十九石九斗三升五合一勺實共科徵本色米五千一百八十九石三斗二升六合三勺遇閏以增抵減外共減米八石二斗六升九合二勺


折色銀三千九百七十一兩五錢五分八釐遇閏以增抵減外共增徵銀二十五兩八錢五釐

攤徵人丁銀三十八兩一錢三分九釐遇閏增徵銀一兩一錢八分九釐

攤徵雜辦銀五兩二錢一分七釐

得業蕩轉科柴蕩草蕩水漚三項共科平米一百六十三石一斗八升三合七勺六抄七撮實共科徵本色米七十三石七斗五勺遇閏以增抵減外共減米一斗一升七合四勺

折色銀五十七兩一分八釐遇閏以增抵減外實增



青浦縣志 卷之七 五
徵銀三錢七分九釐

攤徵人丁銀五錢七分八釐遇閏增徵銀一分八釐
攤徵雜辦銀七分九釐

海上鄉田蕩共科平米二萬六千二百八十九石七升
五合七勺七抄三撮五圭內

熟田低薄田新荒田舊荒田四項共科平米二萬五
千八百五十三石二斗五升二合二勺七抄三撮五
圭實共科徵

本色米一萬一千六百七十六石三斗八升九合七
勺遇閏以增抵減外共減米一十八石六斗六合四

勺

折色銀九千五十九兩五錢八分四釐遇閏以增抵
減外共增徵銀六十兩六錢三分四釐

攤徵人丁銀九十三兩八分八釐遇閏增徵銀二兩
九錢一釐

攤徵雜辦銀一十二兩七錢三分四釐

得業蕩柴蕩草蕩水澆三項共科平米四百三十五
石八斗二升三合五勺實共科徵

本色米一百九十六石八斗三升五合七勺遇閏以
增抵減外實減米三斗一升三合七勺

折色銀一百五十二兩二錢七分九釐遇閏以增抵
減外實增徵銀一兩一分三釐

攤徵人丁銀一兩五錢四分三釐遇閏增徵銀四分
八釐

攤徵雜辦銀二錢一分一釐

海中鄉田蕩共科平米六萬七千六百四石九斗三升
三勺七抄九撮四圭九粟八顆五粒內


熟田低薄田山新荒田舊荒田五項共科平米六萬
五千七百六十四石八斗二勺七抄六撮六圭九粟
三顆五粒實共科徵

本色米二萬九千七百二石八升二合八勺遇閏以
增抵減外實減米四十七石三斗三升四勺

折色銀二萬三千四百九十九兩八錢九分九釐遇
閏以增抵減外實增徵銀一百六十三兩七錢九釐
攤徵人丁銀二百六十三兩六錢二釐遇閏增徵銀
八兩二錢一分五釐

攤徵雜辦銀三十六兩五分八釐

得業蕩柴蕩草蕩水漚三項共科平米一千八百四
十石一斗三升一勺二撮八圭五顆實共科徵
本色米八百三十一石七升八合三勺遇閏以增抵



減外實減米一石三斗二升四合三勺

折色銀六百四十二兩九錢五分三釐遇閏以增抵

減外實增徵銀四兩二錢七分七釐

攤徵人丁銀六兩五錢一分五釐遇閏增徵銀二錢

三釐

攤徵雜辦銀八錢九分一釐

折糧項下

華中鄉田蕩共科平米二萬三千四百四十二石一斗

五升五合二勺四抄七撮內

熟田低薄田山新荒田舊荒田五項共科平米二萬

三千九十八石六斗六升九合五勺三抄六撮實共

科徵

折色銀一萬六百九十七兩二錢四釐遇閏增徵銀

四十七兩六錢六分五釐

攤徵人丁銀七十六兩六錢七分三釐遇閏增徵銀

二兩三錢八分九釐

攤徵雜辦銀一十兩四錢八分八釐

得業蕩草蕩水漚二項共科平米三百四十三石四

斗八升五合七勺一抄一撮實共科徵

折色銀一百六十兩三錢六分遇閏增徵銀七錢三

分六釐

攤徵人丁銀一兩二錢一分六釐遇閏增徵銀三分八釐

攤徵雜辦銀一錢六分六釐

海中鄉曰蕩共科平米二萬三十七石五斗一升八合八勺二抄九撮一顆五粒內

熟田低薄田新荒田舊荒田四項共科平米一萬九千一百五十九石九斗二升六合五勺五抄七撮八圭六顆五粒實共科徵

折色銀九千九十六兩八錢六分八釐遇閏增徵銀四十四兩二錢一釐

攤徵人丁銀七十六兩七錢九分八釐遇閏增徵銀二兩三錢九分三釐

攤徵雜辦銀一十兩五錢五釐

得業蕩柴蕩草蕩水漚三項共科平米八百七十七石五斗九升二合二勺七抄一撮一圭九粟五顆實共科徵

折色銀四百九兩七錢一分三釐遇閏增徵銀一兩八錢八分

攤徵人丁銀三兩一錢七釐遇閏增徵銀九分七釐

攤徵雜辦銀四錢二分六釐

科則

徵糧項下

每平米一石派徵本色米四斗三升三合四勺九抄

八撮有奇 派徵漕贈五米一升八合一勺有奇

派徵稅糧銀二錢五分一釐二絲七忽有奇 派徵

漕贈十銀三分八釐三毫六絲五忽有奇

華上鄉熟田

科平米三斗六升五合實徵本色米一斗

釐六毫三絲

二忽有奇 科折色銀一錢二分三

華上鄉准熟田

科平米三斗實徵本色米一斗三升五

絲一忽

有奇 科折色銀一錢四分八毫二

華中鄉熟田

科平米三斗二升實徵本色米一斗四分六

毫九忽

有奇 科折色銀一錢一分六

海上鄉熟田

科平米二斗九升五合實徵本色米一斗

釐三毫七絲

四忽有奇 科折色銀一錢三

海中鄉熟田

科平米二斗六升五合實徵本色米一斗

釐六毫九絲

三忽有奇 科折色銀九分四

華中鄉准熟田 海上鄉准熟田 科則與華上鄉

准熟田同

折糧項下

每平米一石科稅糧銀四錢六釐八毫四絲六忽有奇
奇遇閏加徵稅糧銀八毫九絲八微有奇

華中鄉熟田

科平米三斗二升折徵銀一錢四分八釐一毫九絲四忽有奇

華中鄉准熟田

科平米三斗折徵銀一錢四分五絲七忽有奇

海中鄉熟田

科平米二斗六升五合折徵銀一錢二分五釐八毫一絲八忽有奇

海中鄉准熟田科則折徵與華中鄉准熟田利折同

低薄田每一畝五分准熟田一畝

山每二畝准熟田一畝

新荒田每二畝准熟田一畝

舊荒田每三畝准熟田一畝

得業蕩每二畝准熟田一畝

柴蕩每三畝准熟田一畝

草蕩水漚每六畝准熟田一畝

以上各項田山蕩漚按則折實每田一畝

派徵徭里銀一分一釐四毫五忽有奇遇閏加徵銀

三毫七絲五忽有奇

派徵九釐地畝銀六釐五毫九絲八忽有奇

攤徵人丁銀一釐六絲二忽有奇遇閏加徵銀三絲

三忽有奇

攤徵雜辦銀一毫四絲五忽有奇

人丁

欽遵康熙五十二年

恩詔徵收錢糧據康熙五十年丁冊定為常額續生人丁永不加賦名為盛世滋生戶口又於雍正六年題准丁銀隨田辦納在案今查乾隆四十年奉

旨確查戶口實數奏報實在通共男丁二十九萬四千二百一十五丁內

原額充餉當差人丁三萬三千六百九十九丁共應徵

銀七百四十九兩六分六釐

內優免人丁四百七十丁每丁該銀二分一釐六毫

六絲四忽九微一纖二沙八塵七渺四漠共銀一十兩一錢八分三釐改追充餉當差人丁三萬三千

二百二十九丁每丁該銀二分二釐二毫三絲六忽八纖八沙九塵五渺八漠四埃共銀七百三十八兩八錢八分三釐遇閏加編銀二十三兩三錢四分三釐

節年滋生免徭人丁共二十六萬五百一十六丁

按萬歷四十八年賦役全書開載本縣人丁三萬一

千五百二十五丁

每丁編里甲銀六釐五毫九絲一微有奇共銀二百七兩七錢五分

四釐一毫一絲三忽六纖例不優免外每丁編均徭銀一分八釐四毫六絲五忽九微有奇除例免人丁

三百六十五丁該免銀六兩七錢四分六絲三忽有奇實編銀五百七十五兩三錢九分八釐二毫七絲

五忽魏志開載丁數同註徭里二項將人丁并田均

派不列編銀數目康熙初年全書人丁總數同優免

人丁四百七十丁每丁免銀二分一釐六毫六絲六

忽有奇共免雜辦銀一十兩一錢八分二釐五毫九忽有奇改解戶部充餉註優免一項案准部文不免正供止免雜辦銀兩

當差人丁每丁徵徭里銀二分一釐六毫六絲四忽

簡明全書丁數與徵銀同現行新訂全書其節年審增人丁及每丁編銀比舊減少之處始於何年無籍可稽闕以俟考

雜辦

乾隆三年考訂該徵雜辦銀一百一兩二錢五分扛銀一

兩二錢一分五釐查雜辦銀兩于援例詳請等事案內題准雍正七年為始統歸田畝攤徵

漁課銀一百三十一兩五錢一分五釐


門攤課鈔銀八十三兩五錢五分四釐

查門攤課鈔銀兩係徵諸城廂店舖

完納嗣緣各舖閉歇靡常計缺額三十八兩八錢據縣着落額外牙戶完納足額

以上三款除雜辦銀攤于田畝徵收外實該銀二百十五兩六分九釐

計上人丁田地山蕩雜辦通共額徵本色米八萬四千七百三石三斗八升六合四勺除原續報坍荒蠲缺米六千八百七十三石九斗二升七合五勺又乾隆二年改漕案內減徵米一千四十六石九斗五升五合四勺實徵米七萬六千七百八十二石五斗三升五勺遇閏之年加徵局恤除陞科減徵外實該米三十四石二斗八升一勺內



除原續報坍荒米一石八斗七升三合三勺實徵米三十
二石四斗六合八勺又漕糧并五米等項減徵米一百六
十七石六斗一升八合四勺內除原續報坍荒米一十二
石八斗五升八合三勺實減徵米一百五十四石七斗六
升一勺

額徵丁田雜辦等銀共一十三萬一千五百四十兩二錢
五分九釐內除原續報坍荒蠲免銀八千三百九十六兩
二錢五分五釐又雍正三年乾隆二年減賦四萬一千二
百二十二兩九錢八分七釐又改漕案內減徵白糧經費
一千二百六十九兩二錢七釐實徵銀八萬六百五十一

兩八錢六釐 遇閏之年地漕正銀內增徵坍荒減蠲銀
五兩三錢二釐遇閏增徵閏月銀三百七十七兩一錢七
分五釐內除原續報坍荒蠲銀三十七兩五錢二分又正
銀坍荒作閏蠲除銀二錢八分四釐實徵銀三百三十九
兩三錢七分一釐增徵灰石銀一百九十一兩五錢六分
四釐內除原續報坍荒蠲缺銀一十一兩六錢二分五釐
實徵銀一百七十九兩九錢三分九釐減編漕贈十銀十
五兩九錢六分四釐除原坍蠲缺銀五錢二分四釐實減
編銀十五兩四錢四分

解支起存本折款目

本色起運

蘇糧道衙門漕糧正改兌漕贈五米等項除荒蠲實徵米

六萬四千七百七十一石一斗六升二合二勺 遇閏減

編米一百五十四石七斗六升一勺又省倉局糧改漕加

徵閏月米二十石一斗六升一合漕糧正兌米三萬三千

升四合一勺遇閏減編米一百三十三石二斗一升八合七勺

加四耗米一萬三千五百四十一石四斗二升五合七勺

勺遇閏減編米四十一石二斗八升七合五勺改兌正

米五千三百九十五石九斗九升七合遇閏減編米二石

二斗一升八合八勺加三耗米一千六百一十八石七

斗九升九合一勺遇閏減編米六斗六升五合六勺白

糧改漕正兌米五千四百七斗一升二合二勺加四耗

米二千一石八斗八升四合九勺省倉白糧改漕米石

改漕正兌米二十八石五斗五升一勺加四耗米一百六十

一石四斗二升一勺局匠口糧改漕正兌米一百六十

四石六斗二升一勺閏月米一十三石七斗一升八合四

勺加四耗米六十五石八斗四升八合一勺閏月米五

石四斗八升七合三勺額徵漕贈五米并丈陸增米二

千七百二十石四斗八升九合遇閏減徵米七石三斗六

升九合五勺白糧改漕五米三百五十五石三斗二升九

合九勺省倉白糧改漕米石改漕正耗五米一十一

九升八合五勺局匠口糧改漕正耗五米一十一

石五斗二升三合四勺閏月米九斗六升三勺

白糧正耗等項其實徵米八千二十七石一斗三升六合

額徵白糧并糙粳正米四千二百八十八石白耗米一

千八百一十石四斗春辦米一千二百八十六石四斗

盤用白糧二耗米三百三十三石六斗

運船水手飯米三百八十七石三升六合

江糧道楊倉行月實徵米一千三百四十八石一斗七升

七合七勺 遇閏減徵坍荒加蠲米三升四合二勺此項

原係蘇糧道衙門之數於乾隆

二十八年改歸江糧道奏銷

青浦縣志 卷七 田賦

兵糧實徵米二千五百七石二斗三升七合六勺 遇閏

減徵坍荒加蠲并陞科減徵共米七斗八升二合一勺又

加徵米二石三斗二升四合六勺 南糙稷并總歸充餉米二千四百一十七石九

斗四升九合七勺遇閏減徵米七斗一升二合二勺解南

耗辦充餉米一十八石四斗六升六合二勺 恤孤餘剩

充餉米二十七石八斗九升五合二勺遇閏加徵米二石

三斗二升四合六勺 陞科充餉米四十二石九斗二升

六合五勺遇閏減編 米六升九合九勺 本色存留

均給恤孤米一百二十八石七斗九升 遇閏加徵米一

十石七斗三升二合五勺

查恤孤正閏米石係奉文均給如遇灾蠲統于南糧款內撥補

布政司衙門起存地丁除荒實徵銀四萬六千八百四十

一兩一錢三分九釐 遇閏之年加徵坍荒減蠲銀五兩

三錢二釐閏月除荒實徵銀二百一十二兩六錢七分二

釐 起運地丁本色辦料等項共銀六萬六千八百三十八

兩一錢九釐閏月銀七十七兩二分三釐額編兵

餉驛站馬役等項共銀二萬七千八百一十一兩一錢九釐

裁扣各案充餉銀四千七百六十四兩四錢二分三釐

閏月銀一百二十四兩四錢二分五釐節年審增人丁

并優免充餉銀二百七十六兩六錢一分六釐今訂併

縣裁缺俸工銀六百五十七兩九錢二分 裁汰管糧縣丞

四兩七錢奉裁民壯工食銀四十九兩 裁汰管糧縣丞

俸工銀七十六兩閏月銀三兩改歸 閏月銀二

文廟祭祀香燭銀一百六兩二錢九分七釐 閏月銀二

錢一分奉裁號船工食銀五十四兩 閏月銀四兩

二錢抽撥東臺縣民壯工食銀二十四兩 閏月銀四兩

縣縣丞弓兵工食銀四十三兩四錢四分 閏月銀三兩

六錢二分二釐河工正費歸入地丁銀六百四十一兩

青浦縣志

卷七

七


田賦

一錢九釐以上各奉裁正閏銀內除撥抵
 文廟祭祀銀閏月香燭銀孤貧不敷銀閏月銀外實該正
 銀一千五百五十六兩六錢九分七釐 閏月銀四十四
 兩二錢六分四釐 乾隆三年以前陞科充餉銀四兩九
 錢五分二釐 閏月銀二分一釐 乾隆三年以後陞科
 充餉銀三十八兩二錢一分九釐 閏月銀二錢四分七
 釐

以上共銀九萬四千二百六十兩一錢二分五釐內
 除原續報坍荒蠲缺銀五千七百八十三兩九錢四
 分三釐又除雍正三年乾隆二年減賦共銀四萬一
 千二百二十二兩九錢八分七釐又額撥漕項銀四
 百一十二兩五分六釐歸入江安糧道項下開列外
 實該銀四萬六千八百四十一兩一錢三分九釐遇

閏之年少蠲坍荒仍行徵解銀五兩三錢二釐 閏
 月銀二百四十五兩九錢八分內除原續報坍荒蠲
 缺銀三十三兩二分四釐又正銀坍荒作閏蠲除銀
 二錢八分四釐實徵銀二百一十二兩六錢七分二
 釐

起運地丁扛脚除荒蠲實徵銀一千九百四十兩三錢一
 分二釐
 蘇糧道衙門隨漕輕賚等項除荒蠲并白糧改糙減徵外
 實徵銀一萬四千七百三十七兩一錢三分六釐遇閏增
 徵灰石銀一百七十九兩九錢三分九釐減徵漕贈十銀



一十五兩四錢四分 實徵輕賚并丈增銀四千四百六十
三百七十二兩三錢八分四釐 八兩六錢一分五釐 河工備剝銀
十四兩九錢四分一釐 七折色蘆席并丈增銀一百
四十九兩五錢六分四釐 七分折色楞木松板并丈增
銀五十九兩九錢五分四釐 三分本色蘆席并丈增
并丈增銀一百兩八錢一釐 減編減存歸入灰石項
下銀二錢八分一釐 輕賚扛銀四兩六錢八分六釐
九錢七分五釐 及蘆席折解費銀一百兩九錢一分六釐
輕賚河工并耗及蘆席折解費銀一百兩九錢一分六釐
贈十兩五錢四分 改漕案內增編輕賚銀六百兩五錢
六分五釐 河工備剝銀五兩二錢四分 輕賚扛銀三兩六錢
席木板銀一十二兩四錢 輕賚扛銀一十三兩
釐 輕賚并河工備剝銀七錢五分 漕糧改折灰石銀一百七
五錢二分四釐 負重銀五折色蘆席解費銀一十三兩
十兩七錢七分六釐 閏增徵銀一百八十二兩二錢七分
十兩三錢七分八釐 閏增徵銀一百八十二兩二錢七分
揚州府倉運軍行月米折正扛費銀五百六十一兩三分
錢五分四釐 金松衛所民七淺船銀九十兩六錢五分

七釐

白糧經費除荒蠲實徵銀一萬一千一百四十一兩九錢

一分四釐 解通由閏銀三百四十三兩四分 漕截銀一

十四兩四錢 千總俸工銀三兩六錢二分一釐 隨幫廩工

銀九兩九錢八分三釐 量斛束包夫工食銀一百十五

兩二錢 裁存經費銀七千四百一十三兩八錢四分

江安糧道衙門漕項實徵銀一千九百八兩一錢四分一

釐 額撥漕項裁扣銀四百一十二兩五分六釐 鳳陽倉

錢五分八釐 解費銀一十八兩四錢八分九釐 徐州

永福倉米折正銀五百四十二兩九錢八分九釐 扛銀一

兩六錢二分九釐 解費

兩浙運司衙門鹽課正扛費銀一千六百九十九兩六錢

鹽課正銀除卅蠲實徵一千六百四十六兩九錢二
蠲銀除卅蠲實徵一十九兩七錢六分三釐
解費銀除卅蠲實徵三
十二兩九錢三分八釐

折色存留

驛站銀六十三兩二分五釐 閏月銀五兩二錢五分二

釐

各衙門官役俸工并存留支給等項除荒蠲實徵銀二千

三百二十兩五錢三分六釐 閏月銀一百二十一兩四

錢四分七釐

知府員下 俸銀實徵一十一兩九錢六分五釐

川沙同知員下 門子二名 轎傘扇夫七名每名工食銀六兩除卅蠲共實徵銀五十二兩一

錢六釐每名閏月銀五錢除卅蠲
共實徵銀四兩三錢四分二釐

管糧通判員下 俸銀實徵五十七兩八錢九分四釐
門子二名 步快八名 皂隸十二名

轎傘扇夫七名每名工食銀六兩除卅蠲共實徵
銀一百六十七兩八錢九分三釐每名閏月銀五錢

除卅蠲共實徵銀一十
三兩九錢九分二釐

知縣員下 俸銀實徵四十三兩四錢二分 門子二名
皂隸十六名 轎傘扇夫七名 庫子四名

名 斗級四名 看監禁卒八名每名工食銀六兩
除卅蠲共實徵銀二百一十四兩二錢八釐每名閏

月銀五錢除卅蠲共實徵銀一十七兩八錢五分一
釐馬快八名每名工食銀六兩草料銀一十兩八

錢除卅蠲共實徵銀一百二十九兩六錢八分三釐
閏月銀除卅蠲實徵一十兩八錢七釐民壯三十

二名每名工食銀六兩加增器械銀二兩除卅蠲共
實徵銀二百四十七兩一分四釐舖司兵二十五

名每名工食銀七兩二錢除卅蠲共實徵銀一百七
十三兩六錢八分二釐閏月銀除卅蠲實徵一十四

田賦

兩四錢七分四釐 修理倉監銀
除冊蠲實徵四兩八錢二分五釐

縣丞員下 俸銀實徵三十八兩五錢九分六釐 門子
皂隸四名 馬夫一名每名工食銀

六兩除荒缺共實徵銀三十四兩七錢三分六釐
蠶閏月銀除荒缺實徵二兩八錢九分五釐

主簿員下 俸銀實徵三十一兩九錢五分一釐 門子
皂隸四名 馬夫一名以上除俸銀

外各役工食與
縣丞員下同

典史員下 俸銀實徵三十兩四錢一分四釐 門子一
名 皂隸四名 馬夫一名以上各役工食

與縣丞
員下同

澱山司巡檢員下 俸銀實徵三十兩四錢一分四釐
皂隸二名每名工食銀六兩除荒缺

實徵一十一兩五錢七分九釐閏月銀九錢六分五釐
弓兵三十六名每名工食銀五兩四錢三分二

釐五毫除荒缺共實徵銀一百八十八兩七錢二分五釐
錢六釐閏月銀一十五兩七錢二分五釐

新涇司巡檢員下 俸工實徵與
澱山司同

本縣儒學員下 教諭俸銀除荒缺實徵三十八兩五錢
九分六釐 訓導同 齋夫三名每名

工食銀一十二兩除荒缺共實徵銀三十四兩七錢
三分六釐閏月銀二兩八錢九分五釐 門子三名

每名工食銀七兩二錢除荒缺共實徵銀二十兩八
錢四分二釐閏月銀一兩七錢三分七釐 膳夫二

名每名工食銀二兩除荒缺共實徵銀三十八兩
五錢九分六釐閏月銀三兩二錢一分六釐

原生二十名每名廩糧銀四兩除荒缺共實徵銀七
十七兩一錢九分三釐閏月銀六兩四錢三分三釐

文廟春秋祭祀銀四十八兩一錢二釐

火神廟常雩禮祭祀銀二兩一錢八分九釐

社稷等五壇祭銀一十兩九錢四分七釐

厲壇祭銀三兩二錢八分四釐

專祠一廟祭銀二兩一錢八分九釐

文廟朔望香燭銀二兩五錢七分四釐 閏月銀六分

江寧府科場席舍銀除荒缺實徵一十二兩七錢八

分三釐

協濟武場供應銀除荒缺實二兩一分

看守儒學祠廟門子一名工食銀三兩六錢除荒缺

實徵三兩四錢七分四釐閏月銀二錢八分九釐

習儀拜牌祈禱等項應用香燭庭燎銀除荒缺實徵

一兩三錢五分一釐

歲終新書銀除荒缺實徵一十九兩二錢九分八釐

本縣秋糧總書紙張銀除荒缺實徵一十九兩二錢

九分八釐

本府秋糧總書紙張銀除荒缺實徵三兩八錢五分

九釐

鄉飲酒席銀除荒缺實徵七兩七錢一分九釐

上司按臨行香講書銀除荒缺實徵五兩七錢八分

九釐

歲貢旗扁銀除荒缺實徵四十五兩二分九釐

舊舉人盤纏銀除荒缺實徵一十三兩五錢九釐

布政司造冊紙張銀二十兩

孤貧四十五名每名均給銀一兩二錢九分三釐四毫二絲五忽七微六纖除荒缺共實徵五十六兩一錢六分一釐閏月銀實徵一兩三錢五分九釐以上俸工荒缺銀內廩膳孤貧民壯及一切有役當差工食先後奉文於地丁銀內撥補佐雜官俸於通省大員下攤補每年統聽各撥補案內分晰造報

學田

原額三頃八畝五分二釐二毫內除原續報坍荒奉部准豁田七十四畝三分九釐一毫

寔存田二頃三十四畝一分三釐一毫內

四十二三三五十各保大潤等字圩 華上海上二鄉在業田完賦共田七十三畝四分一釐四十二保四區三十一二等尚南北弔二圩 華上鄉徵糧田一百六十畝七分二釐一毫

額租一百二十六石二斗

完地漕等銀二十兩一錢九分五釐

解學餉六十四兩一錢 布政司衙門

完漕米二十六石五斗六升七合

歸併福泉縣原額學田一頃一十八畝七分八釐四毫 三十四保一區西六八畝為字圩 華中鄉折糧田一頃七畝五分九釐九毫四十九保四區十一畝西體字圩 海中鄉徵糧田一十一畝一分八釐五毫

完地漕等銀一十二兩五錢八分七釐

解學餉一十三兩一錢布政司衙門

完漕米一石九升一合

以上學田悉照學租全書核準與年終報銷各數相

符

雜稅

田房契稅


牙行稅

富稅

牛猪稅

於乾隆十二年奉文免徵

以上四項原無定額年終另冊報銷



文政癸未

